

Gobierno: Pronostico economico di 1%



Pagina 31

Explosion riba barco turistico tabata atentado terrorista



Pagina 6

Editorial:

Empleado tin ultimo palabra?

Encuesta ta un instrumento tricky

Pagina 5

25 aña existi pa sospechosonan Wayaca



Pagina 3

Turistanan di time share mas pega cu Aruba



Pagina 16 y 17

‘Aumento consciente di canasta basico y reduccion responsabel di prijs di awa y coriente’



ORANJESTAD – ATIA no ta contra di un ampliacion di e canasta basico basta cu e ta wordo haci di un manera consciente. Tampoco nan no ta contra di reduccion riba tarifa of prijs di servicicionan publico manera awa y coriente, pero basta cu e ta wordo haci di un forma responsabel.

Presidente di ATIA, Ronald van Trigt ta haya cu naturalmente gobierno tin semper un tarea pa purba di controla e cosnan cu nan por controla. Sinembargo asunto di awa y coriente ta un topico complica. Den pasado caba gobierno a intermedia pa purba di bin cu un regulacion y evita cu prijsnan dos servicicionan publico aki ta fluctua menos

Sinembargo nos tin cu compronde cu nos ta produciendo awa y coriente unda fuel tin su efecto riba e prijs of tarifa local di awa y coriente. Presidente di ATIA ta considera cu regula esaki por tin su efecto negativo tambe. El a trece como ehempel e caso di Corsou, unda nan a purba di subsidia e servicicionan aki, y nan a crea un debe di miyones den nan empresanan cu ta produci e servicicionan publico aki. E gremio aki ta kere cu mester tene stabiel e companianan WEB como Elmar di vital importancia pa nos pais.

Di otro banda ATIA ta referi riba e anuncio di gobierno pa aumenta e canasta basico. E gremio aki cu ta agrupa e comerciantenan y inversionistanan local ta haya cu esaki ta algo positivo. Logicamente mester yega na cierto productonan cu pa ehempel por elimina impuesto di importacion riba nan pa asina suavisa e prijs cu nan tin pa e consumidor.

ATIA ta haya cu e control di prijs riba e productonan di mas esencial cu un pais ta consumi ta importante. Nan a scucha gobierno papia di esaki y tambe ATIA ta kere cu nan ta implementando esaki. Nan por mira cu instancia di gobierno ta bay controla den cierto supermercadonan, y nan ta kere cu esey ta e meta di purba regula e prijsnan di productonan basico.

Un punto cu sr. van Trigt a trece dilanti ta cu regula prijs tambe ta algo cu ta afecta comercio. “Nos tin un mercado liber y mas regulacion bo tin, menos espacio bo tin pa haci negoshi tambe.” ATIA ta kere tambe cu e productonan di mas basico mester tin cierto regulacion. Pero el a trece acerca tambe cu e regulacion mester bay riba e productonan cu nan tin control riba dje.

“Bo no por regula algo cu bo no tin control riba dje.” El a trece e ehempel na Venezuela, unda e gobierno a bin cu un cantidad di regulacion riba cosnan cu no tin control riba dje, locual ta ocasiona un collapse den bo economia.

E ta haya cu nos no tin control riba prijs di azeta y hariña riba mercado internacional, y tampoco riba cierto otro productonan, y mester tene cuenta cu

e aspecto aki. Sinembargo e ta haya cu si nos tin control riba nos sueldonan. “Cuanto nos tin cu paga y unda e pago ta exactamente pa nos por sigui produci di un manera eficiente y productivo.”

ATIA a expresa su boluntad di unda cu nan pa atende cu e asuntonan aki, pero den consulta cu comercio pa evalua si por tin espacio pa regula cierto productonan.

Gobierno y canasta basico

Prome minister, Evely Wever-Croes a elabora riba asunto di ampliacion di canasta basico y control di prijs, unda e mandatario a laga sa cu tin un mercado liber cu nan ta respeta.

Sinembargo pa gobierno actual e control di prijs ta hopi importante. Igualmente minister di financia, Xiomara Ruiz-Maduro a yega di informa cu e control a cuminsa rond di Aruba pa evita abuso den prijs. Esaki specialmente riba productonan cu nan prijs ta wordo regula pa gobierno. E prome resultadonan di e accionnan di control di prijs aki a dreña y awor nan ta cuminsa traha riba analisis.

E prome mandatario a indica cu ora ta trata di productonan basico ‘tur pais cu tin su pueblo na pecho’ ta bin cu un serie di control di prijs, y nan a bin cu esaki tambe. E ta haya cu nos canasta basico ta uno limita y chikito, compara cu Corsou cu tin mas cu shen producto, mientras cu Aruba no ta surpasa ni 20 producto.

Gobierno kier amplia esaki, ya cu e productonan cu ta cay den e lista di control e instancia di gobierno tin autoridad pa controla nan prijs. Si nan no ta cay den e canasta basico e control aki no ta sosode. E ta considera importante controla e prijsnan pa evita abuso of speculacion riba e prijsnan.

Gobierno ta haya cu esaki ta un sistema of instrumento cu e ciudadano ta bay sinti cu tin miho control y cu no tin abuso riba prijsnan. E prome mandatario a recorda tur hende, specialmente e sector comercial, pa keda na e reglanan estableci pa no specula riba prijs di productonan basico. Especialmente den e temporada economico dificil aki. Nan kier mantene e prijs di e canasta basico abou pa evita un aumento riba costo di bida.

El a bisa cu e aspecto aki di ampliacion y control di e canasta basico ta un punto importante di nan plan di gobernacion. E mandatario a expresa su satisfaccion cu nan a cuminsa cu e esaki caba den e prome 100 dia di gobernacion, unda nan a confronta ‘yen di problema desagradabel’.



Tiramento di Shasha na Wayaca: 25 aña existi pa ambos sospechoso



ORANJESTAD – Fiscal a existi 25 aña pa ambos sospechoso Steve Fan y Jefferson Echobardo den caso di tiramento fatal di Sasha na su cas na Wayaca. 23 di maart hues lo duna su sentencia.

Ayera e dos sospechosonan Fan y Echobardo a presenta dilanti hues pa finalmente e tratamiento di e caso cual a tuma luga na september 2016.

E famia di e victima cu a fayece por medio di un tiro na cabes, a bini corte cu T-shirtnan bisti cu e palabranan 'Husticia pa Shasha' y 'Stop Criminalidad'.

Hues a puntra sospechoso Echobardo kico ta su envolvemento den e caso aki y di ki manera e ta involvi of no. Sr. Echobardo a admiti culpabilidad di su actonan y declara cu inicialmente e intencion tabata ta pa djis comete un atraco. El a declara tambe cu

tur cos tabata idea di sr. Fan anto e intencion nunca tabata ta pa tira ningun hende of comete asesinato.

"Stevie a bisa mi cu semper su tanchi ta cana cu 10 mil florin den su tas pues e ta un easy target", sr. Echobardo a bisa. E ta bisa cu sr. Fan semper a yud'e cu hopi cos y semper tabata un bon amigo pe. Sr. Fan ta sobrino di e victima anto e tin su negoshi di distribui ijs (Stevie Ice Factory). Segun sr. Echobardo, sr. Fan tabata tin mester di extra placa pa paga pa impuesto di algun ekipo pa su negoshi. Sr. Fan a yega di fia sr. Echobardo placa cu ainda e tabata deb'e. Pues e la sinti su mes 'obliga' pa yuda sr. Fan comete atraco na cas di su famia.

El a bisa cu sr. Fan a dun'e placa pa cumpra un arma di candela. Sr. Echobardo mester a pone e resto di placa cual e la inventa un storia na su

ruman muhe pa por presta e resto pa bay cumpra e arma.

Nan a haya e arma sin municion, pues nan a regresa pa busca esaki cerca esun cu a bende nan. Akinan fiscal a puntra si e intencion no tabata pa comete asesinato, pa kico ora cu a haya arma bashi nan a bay bek busca bala pa esaki. Sospechoso Echobardo ta declara cu tabata pa motibonan di prevencion si e lo mester a wordo ataca pa e yiu homber. Pasobra nan por a djis spanta e mama y tata cu ta hende di edad caba, tuma e placa y bay.

Kico a bay robes

Sr. Echobardo ta bisa cu na prome instante e no tabata di acuerdo pa haci esaki pero 'no tabata tin otro opcion'. Fiscal ta puntra pa kico netamente mester a bay cas di famia di sr. Fan. Esaki tabata pasobra sr. Fan mes a insisti cu esaki lo ta miho y rapido, segun

Echobardo. El a drenta e cas unda cu solamente e Shasha y su casa tabata t'ey.

E casa a resisti y tabata tin un medio confrontacion entre nan. Sr. Echobardo basicamente a perde control di e situacion. E yiu homber di e victima a bin e cas e momento ey y topa cu ne. Akinan e yiu homber a haya su mes ta core pa su bida tambe. Sr. Echobardo ta bisa cu el a bay den panico pasobra e no tabata kier a wordo gara pa otro hende. Na momento cu el a cuminsa core bay pa sali for di e cas, el a ripara cu el a laga su tas atras. El a bira bek pa gara su tas, anto mester a tira direccion di un bentana cu su arma di candela pa purba habri un porta. Pero ta akinan e bala a alcanza Shasha na su cabes pasobra e tabata scondi tras di e porta aki, segun sr. Echobardo.

Fiscal no a kere mucho e parti aki. E ta bisa cu si e sospechoso mester a kibra un bentana pa habri un porta, e no tabata tin necesidad di tira. Aparentemente nunca sr. Echobardo a yega di uza un arma y ta bisa e dia ey el a tira pa prome biaha den su bida. Ambos biaha cu el a tira tabata pa motibo cu el a bay den shock segun e ta bisa.

'Mi lo muri cu mi inocencia'

"Mi no tabata tin ningun motibo pa ta hinca den esaki. Mi no mester di placa, mi ta inocente y lo muri cu mi inocencia", sr. Fan a declara den corte. Na ningun momento Bon Dia por a tuma nota cu el a pidi disculpa na e famia, tampoco ora a yega su ora di duna su ultimo declaracion. Sinembargo el a bisa cu e ta lamenta cu su famia ta husga

su persona di e forma aki mirando cu nan tambe tin un 'cara hopi sushi.' Esaki tabata un ofensa grandi pa e yiu homber di e victima cu mester a sali un rato for di sala na e momentonan ey.

Pa basta tempo caba tin algun problema entre e famia di sr. Fan cu su primonan; problemanan familiar riba 'cosnan loco' cu no tin sentido segun yiu muhe di e victima ta bisa. Fiscal a puntra sr. Fan cu si en berdad e no tabata involvi, pa kico e no a bay autoridadnan ora a haya sa cu sr. Echobardo a tira atraco na cas di su famia anto a yam'e pa sr. Fan mes pasa busk'e. "Mi tabata bao menasa sra. hues. Jeff a menasa mi cu arma. Mi no tabata kier mas morto cay." Abogado den defensa di sr. Fan ta bisa cu no ta probabel cu su cliente ta hinca den e cos aki pasobra ta sr. Echobardo tabata mester di placa pa paga sr. Fan bek.

Declaracion di famia

E yiu muhe di e victima a declara den corte riba nan experiencia di e caso y e impacto riba nan bida. "Mas tristo ta cu nos mester biba realidad cu el a sosode na cas di nos mayornan. Ta algo dificil pa lubida haya bo mama morto na cas. Ta kibra recuerdonan bunita cu nos tabata tin cu otro na cas." El a sigui bisa cu pa biba un bida normal te cu awe ta hopi dificil. El a bisa cu ta parce cu sr. Fan no ta mucho preocupa y ta mustra calma despues di e entiero, mas cos cu ta 'shock y duna nan berguensa'. E famia ta existi e castigo di mas halto pa ambos sospechoso, pasobra nan ta haya cu si ta asina cu un a planifica, anto e otro a checuta e acto criminal, esaki no ta haci ningun diferencia.



Seppa: minister tin planea pa cera Centro di Observacion

ORANJESTAD - Maestronan cu tin muchanan di nan scol na e Centro di Observacion a acudi na SEPPA cu nan preocupacion di e informacion no oficial cu tin riba red social cu minister di Enseñansa tin planea pa cera e Centro di Observacion.

E rason pa esaki no ta claro. Maestronan ta hopi preocupa cu e muchanan lo bin bek den nan klas. Den un klas cu 20 pa 30 mucha no tin manera pa yuda muchanan cu mester ayudo intensivo.

Trahadonan di Centro Multi-disciplinario, miembronan di SEPPA tambe ta vocifera nan preocupacion grandi pa loke ta trata e plannan di minister di Enseñansa pa cera e Centro di Observacion. E ceramento di Centro di Observacion lo nifica un deteriora di e calidad di cuida, ayudo y enseñansa pa e muchanan aki cu tin mas mester di dje, segun e sindicato.

Otro preocupacion cu tin pa cu e desaroyonan actual den enseñansa primario, ta cu varios trahado di Centro Multi-disciplinario a bay traha awor 'na disposicion' di scolnan. Pero e trahadonan aki no a wordo reemplasa, cu na su bes ta pone cu e trabou ta keda acumula, segun SEPPA.

"Tambe no tin miras pa reemplazo a corto plaso cu consecuencia negativo pa e servicio (p.e. proceso di aplicacion, test psicologico, guia y conseho) cu tin cu otorga na scolnan y alumnonan. No tin claridad con ta pensa di soluciona e problemanan aki a corto plaso efectivamente mirando cu e lista di espera na Centro Multi disciplinario ta keda crece. E situacion aki ta crea hopi intranquilidad pa tur envolvi", segun e sindicato.

SEPPA tambe a pidi e minister di Enseñansa un reunion pa trata e tema aki. "Con por lanta un departamento den gobierno y ta simplemente manda e hendenan aki awor bay traha na disposicion di e.o. un fundacion."

Nan ta continua cu: "Ta hopi grito tin di e diferente docentenan, kendenan ta esunnan cu ta na e luga di trabao y cu ta haya nan mes cu tin cu atende awor cu e muchanan cu tin problema. Mayornan cu tambe ta sclama pa solucion pa nan yiu cu tin problema di indole di mester di 'atencion extra of diferente' y cu ta bisto cu e docente no por duna na e yiu."

Centro Multi disciplinario

Centro Multi disciplinario ta un departamento di gobierno cu ta consisti di diferente seccion, entre otro un Centro di Experticio y un Centro di Observacion. E Centro di Experticio ta caminda mayor y scol por acudi ora cu a señala problema di siñamento, problema di comportacion y/of problema di comuni-

cacion. Un team di diferente profesionalnan den nan ramo ta haci investigacion psicologico, didactico y tambe di logopedia pa duna conseho y guia.

Na 2015 e Centro di Observacion (Observatiecentrum), a habri su portanan. Meta di Centro di Observacion ta pa brinda ayudo y guia na e grupo di muchanan caminda e severidad di e problemanan riba diferente area, ta asina halto cu ta surpasa tur ayudo cu scol y profesionalnan por brinda na scol mes.

Segun criterio stipula, e muchanan aki por bin e Centro di Observacion pa ricibi e guia intensivo necesario. Actualmente tin dos klas pa muchanan di kleuter y un eerste klas. Cada klas por tin maximo 8 mucha. Den e centro aki ta observa e muchanan, ta duna mayor guia den educacion di nan yiu, ta duna terapia, ta haci mas investigacion y ta duna enseñansa den orario di mainta. Despues di orario di mainta e muchanan ta keda den e centro te atardi pa e guia por continua.

Habilidadnan social emocional y structura ta hopi central den e guia despues di scol. E diferente profesionalnan cu ta traha den e centro. Cada un tin nan parti den un plan individual pa e muchanan por tin mas chens pa desaroya, compara cu si nan a keda den un klas di 20 pa 30 mucha of hasta na cas. E meta primordial di Centro di Observacion ta pa e muchanan por haya ayudo, observa y evalua nan desaroyo pa despues duna conseho encuanto e ayudo y enseñansa cu ta miho pa nan den futuro.



Ruman muhe (18) di victima di asesinato na de Vuyst deteni



ORANJESTAD - Ruman muhe S.D.S di 18 aña di e victima di asesinato na de Vuyst ta deteni. Esaki a base di sospecho di ladroncia.

Ministerio Publico no por a duna mas informacion si ta relaciona cu e caso di asesinato di su ruman muhe.

Cuerpo Policial a manda un informe pa prensa ayera cu e hoben ta deteni pa motibo di e caso yama Fist. Sinembargo Ministerio Publico (OM) no a confirma cu su detencion ta relata cu e asesinato di su ruman. OM ta contesta Bon Dia: "Tocante esey nos no ta duna comentario ni si of no."

Esaki ta e di dos detencion den e caso aki. E prome sospechoso a wordo deteni a base di nombrenan duna na autoridadnan. OM a informa un poco riba e procedura y e investigacion cu a conduci na e detencion siman pasa. Procurador General Alexander Van Dam a informa cu Instituto Forensico di Hulanda (NFI) a analisa e perfil di DNA di e prome sospechoso deteni. Ora cu a compara esaki cu DNA haya na sitio di e crimen a constata cu esaki tabata concorda cu otro.

Proceso

Manera nos a publica siman pasa, ora nan ta presenta un sospechoso dilanti un hues comisario esaki ta un di e stapnan primario pa asina determina si e investigacion cu persecucion publico, esta OM, ta hibando dilanti ta cuadra cu ley, si e ta bayendo na ordo y si ta necesario pa sigui.

E proceso cu ta canando actualmente ta un di e prome stapnan den e sistema di detencion cu ta vigente na Aruba. Pa awo e detencion a wordo prolonga pa 8 dia. Despues di esaki hues comisario lo determina si lo sigui e proceso di detencion. Ministerio Publico ta subraya cu ta percura pa procesonan di detencion wordo impone riba un persona solamente ora esaki ta necesario, mirando cu ta algo 'hopi pisa'.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Sharina Henriquez (hefe di redaccion)
Cristian Soto Garcia (hefe suplente)
Nicola Gonzalez (redactor ehecutivo)
Esther Kiks-Martinus (redactor ehecutivo)

Redaccion

Benjamin Romero
Leo Maduro
Efraim Odor
Luis Villegas

Ehecutivo di Benta

Marijke Croes-Luidens
Mary Ann Oduber

Fotografo

Dino Tromp

Aviso y Arte

Sandra Loefstop
Lisa Tromp

Administracion

Mariette Engelhart
Martha Arteta de Ariza

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reprodin sin
permiso di editor.



Editorial

Empleado tin ultimo palabra?

Encuesta ta un instrumento tricky

Nos a topa cu un discusion interesante e siman aki. Un di e parlamentarionan di e partido grandi di e coalicion no ta asina convenci cu e plan di e ministro encarga cu enseñansa pa hinca enseñansa publico den un fundacion, ta un bon idea. Esey riba su mes ta bon. E ta trece dilanti cu ta importante pa scucha esunnan trahando den e sector. Y en berdad ta corecto pa scucha e parti interesa aki, esey no ta nada mas cu practica bon gobernacion. No core tuma decision sin duna esunnan concerni un oportunidad pa trece nan opinion dilanti y tambe haci caso di aspectonan cu eventualmente bin dilanti, cu ta di importancia pa e proceso programa.

Sin embargo, lo mester ta cla for di inicio tambe cu no ta asina cu e opinion mayoritario di esunnan involvi automaticamente ta dicta loke ta bay sucede. Por tin motibo valido pa scucha, y scucha bon, y a pesar di esey dicidi di haci otro. Y pakico esey ta asina? Pasobra nos no mester confundi e principio democratico general, cu un afan pa den tur cos laga e mayoria dicidi. Y tin un motibo masha fundamental pa no semper bay tras di e opinion di e mayoria di empleado den e sector ey, y esey ta cu tin mas interes pa tene na cuenta. Ta demasiado simplista pa pretende cu ta e maestronan so ta e parti interesa aki, djis pasobra nan ta traha na e scolnan concerni. Tin un interes general tambe, cu ta mas grandi, y esey ta e interes publico, di mayor y nan yiunan, y no solamente e muchanan cu ta bay e scolnan ey actualmente, sino esunnan cu den futuro lo haci uzo di e facilidadnan aki. Ta traha plan semper cu bista pa futuro, y ta necesario evalua seriamente kico nos ta mira como interes di esunnan cu ni sikiera a yega na e porta di scol; pa nan tambe mester cuida nan interes. E tarea aki di wak dilanti, analisa y evalua kico lo ta e desaroyonan, y con lo ta miho pa atende un cierto asunto, esey ta loke ta spera di gobernacion. No solamente di e ministro concerni, sino tambe di parlamento, di e funcionarionan publico consulta, esunnan cu ta dirigi e scolnan.

Y den tur esaki nos ta kere cu ta na su luga pa adverti pa un instrumento di midi opinion, e encuesta, cu por facilmente resulta den un arma di doble filo. Nos por haci encuesta, den e caso specifico aki tambe, y kico lo ta e resultado? Nos por bisa awor caba cu probablemente un gran mayoria di e maestronan lo opta pa mantene e status actual cu nan tin.

Independiente di e consideracion cu esey por ta en realidad e opcion miho pa scoge, of no, esaki ta bay ta e resultado di un encuesta, pa e simpel motibo cu mayoria di hende, y sigur empleado publico den cualkier pais, no gusta cambio. Cualquier experto den diseña y ehecuta restructuracion y modernisacion den un aparato gubernamental lo admiti inmediatamente, cu e problema mayor nunca ta pa analisa y diseña un structura y proceso administrativo nobo, cu bista pa futuro. E problema mas grandi semper ta pa logra cu e empleadonan ta haya oportunidad pa bisa loke nan tin di bisa y duna nan sosten unda en berdad nan por yuda mehora e procesonan, pero mester ta masha cla tambe cu e decision cu si of no un cierto cambio ta bay tuma luga, simplemente no ta nan call. Paso-bra aki tambe mester tene cuenta cu no ta nan so ta stakeholder: e persona cu ta haci uzo di e servicionan gubernamental ta un interesado importante cu mas tanto ningun hende ta puntra nan pa nan opinion. Pero fracaso o exito ta depende semper di tene debido cuenta cu tur dos banda di e medaya aki.

Ta p'esey cu nos mester ta hopi critico ora cu ta uza e instrumento di scucha opinion a traves di un encuesta, tambe pasobra tin ora e no ta e instrumento corecto pa uza. Nos por ilustra esey bon cu e ehemplo di e siman aki, unda otro ministro ta maneha un encuesta pa check con malcontento e empleadonan ta cu nan director, mey mey di un conflicto. Esey probablemente, manera bisa anteriormente, ta duna bo e resultado cu bo ta busca. Pero esaki ta implica ignora e derecho di e director, cu a ser manda cas pa dos siman, di haya un investigacion imparcial pa evalua ta ken ta fout. Mescos cu ta busca pa sa si el a haci su trabao bon, ta importante pa averigua si su contrincantenan a haci nan trabao. De paso sea dicho tambe cu e vakantie obligatorio cu a aplica ta parce hopi riba un verkapte schorsing, violando su derechonan. Nos no ta trece esaki pa simpatia cu e persona, pasobra nos no conoce personalmente, pero un encuesta no ta e manera pa atende e asuntonan aki.

Finalmente, nos no ta kere cu un fundacion ta e unico manera pa maneha enseñansa publico, pero e ta un manera. Sin embargo, e no ta un garantia contra influencia politico.

Mexico: Explosion riba barco turistico tabata atentado terrorista

(Infobae/Univision) - Un explosion dia 21 di februari, riba un barco turistico na Playa del Carmen, na Caribe Mexicano, tabata causa pa un artefacto explosivo cu a herida pasahero, incluyendo dos turista Mericano, emba-hada di Estadonan Uni na Mexico a divulga diahuebs pasa.

Un alerta di siguridad publica riba website di e embahada a adverti ciudadanonan Mericano pa tene cautela y a bisa cu e autoridadnan Mexicano ta continua cu investigacion di e suceso.

Dos artefacto explosivo mas a ser haya tambe riba diahuebs pasa, riba otro barco na isla di Cozumel, medionan local a informa, cu a bisa tambe cu

tropanan di Marina Mexicano a sigura e escena. Secretaria di Marina no a responde di inmediato riba solicitud pa comentario y fiscal di estado Quintana Roo a bisa cu agentenan federal ta investigando e casonan. Fiscal general di Mexico tampoco a responde di inmediato riba un solicitud pa comentario.

Autoridad di waf di Quintana Roo a bisa siman pasa cu reportnan preliminar a indica cu un fayó mecanico a causa e explosion cu a laga por lo menos 18 persona herida. Prensa local a informa tambe cu un grupo criminal a asumi responsabilidad pa e explosion. E empresa Barcos Caribe tabata opera tanto e barconan di Playa del Carmen como esun di Cozumel, y ta propiedad di e tata di ex-



governador di e estado, Roberto Borge, cu ta enfrentando cargo di corrupcion, segun medionan local. Barcos Caribe no a responde di inme-

diato riba un email en busca di comentario. Sr. Borge, di e gobernante Partido Revolucionario Institucional (PRI) di Mexico,

a ser extradita na januari di Panama pa enfrenta acusacion di labamento di placa y soborno, aunke el a nenga di a comete cualkier delito.

Venezuela: Con e impacto di un embargo petrolero lo ta?



(lapatilla.com/AFP) - Venezuela lo sufri un impacto catastrófico si Estadonan Uni concretisa e menasa di sanciona exportacion petrolero di e pais aki, si e no ta garantisa cambio politico, analistanan consulta pa AFP ta adverti.

E posibel embargo a keda menciona pa e secretario di estado di Merca, Rex Tillerson, cu a bisa cu nan ta analisa opcion pa 'mitiga' e consecuencianan.

Washington ya a aplica sancion contra presidente Nicolas Maduro y Alto funcionarionan Venezolano y a prohibi ciudadano y empresanan Mericano negocia debe cu Venezuela y su empresa estatal petrolero PDVSA.

Con esaki lo afecta Venezuela?

Merca ta e principal cliente di Venezuela, cu ta obtene 96% di su entrada di benta di crudo, y e industria aki ta enfrenta un caida severo di produccion, cu dificultad financiero como consecuencia.

Segun e Agencia di Ener-

gia Mericano (EIA), Merca a ricibi di Venezuela como 600.000 bari diario na 2017, loke ta ekivalente na un tercio di e benta total di e pais aki.

Pero esaki ta representa 75% di e cashflow di Venezuela, motibo pa cual un embargo lo ta e escenario pio imaginabel, e economista Cesar Aristimuño ta opina.

E ta añadi cu un tercio di e produccion -di 1,6 milyon bari pa dia segun OPEC - ta destina na paga debe cu China y Rusia y na acuerdonan di cooperacion cu paisnan di region di Caribe (programa Petrocaribe).

Otro parti ta alimenta e consumo interno, cu gasolin casi regala: un dollar di mercado preto ta cumpra 214.000 litro; un estimulo gigantesco pa e contrabanda di combustibel na frontera cu Colombia y Brasil.

Ademas, Venezuela ta importa di Merca como 160.000 bari pa dia di crudo liviano pa procesa su petroleo pisa, cu e por obtene tambe di Argelia o Nigeria, aunke na un costo

mas haltu, e experto Orlando Ochoa ta remarca.

E produccion Venezolano ta experimenta su collapse mas severo den 30 aña (excluyendo e welga petrolero entre december 2002 y februari 2003). Awendia e pais ta produci mita di loke tabata e caso un decada pasa.

"Su cashflow lo deteriora mas ainda pa e caida aki y pa posibel sancionnan nobo", e firma consultor Eurasia Group ta calcula.

Aunke e prijs di crudo a mehora, cu crudo Venezolano na alrededor di 60 dollar pa bari actualmente, Venezuela y PDVSA a keda declara den default parcial caba pa paganan di debe atrasa.

Cu un economia den recesion desde 2014, e pais tin un debe externo di alrededor di 150.000 milyon dollar, di cual 30% ta coresponde na PDVSA.

E firma consultor Ecoanalitica ta proyecta e entradanan di petroleo na 24.800 milyon dollar pa 2018, cu compromiso di debe cu mester paga di 8.000 milyon dollar.

Con esaki lo afecta Merca?

Di e compra total di crudo den exterior, como 8% ta bin di Venezuela. E sancionnan di gobierno di Donald Trump por bay den dos direccion: restringi su compranan for di Venezuela o frena e benta di crudo liviano, segun James

Williams, di e empresa consultor WRTG Economics.

Washington lo por tin Mexico y Canada como principal sustituto pa e crudo Venezolano, sr. Williams ta añadi, ken ta resalta cu e importacion di Venezuela ta bahando. Tabatin un reduccion di 100.000 bari pa dia na januari di e aña aki.

Pero restringi e compranan lo afecta e refinarianan manera CITGO, subsidiario di PDVSA, Valero Energy Corp, PBF o Philips, cu lo perde fuente di suministro y esey lo significa aumento den prijs di gasolin", sr. Williams ta indica.

Na 2017 Valero a anuncia medida pa reduci su dependencia di Venezuela y di OPEC, aunke Ochoa ta remarca cu e suministro pa e refinarianan Mericano na costa di Golfo di Mexico no ta facil pa reemplasa.

E ta viabel?

Departamento di Tesoro di Merca por fiha sancion petrolero cu aprobacion di Congreso; tambe medida di presion riba cumpradonan di crudo Venezolano. Pero incluso e gobiernonan cu ta critico di regimen di sr. Maduro ta rechasanan.

"Mexico no ta bay impone sancion petrolero", e secretario Mexicano di Energia, Pedro Joaquín Coldwell, a adverti, preocupa pa e repercusion cu e por tin riba e

Venezolanonan y e paisnan di Caribe.

Venezuela ta sufri di un hyperinflacion cu IMF ta proyecta na 13.000% pa 2018, y un escasez cronico di alimento y medicina. E situacion aki a provoca e exodo di mas di 500.000 persona pa e bisña Colombia y 40.000 pa Brasil desde 2017, segun autoridadnan di ambos pais.

E ta pone Maduro 'schaakmat'?

E impacto politico lo no ta berdad.

"Esunnan cu ta kere cu e isolacion y e sancionnan ta afecta solamente e gobierno, ta confundi. E impacto anticipa ta demoledor pa economia y nos tur ta sinti esey, sin garantia di cambio politico", Luis Vicente Leon, di e firma encuestado Datanalisis, a skirbi riba Twitter.

Sr. Maduro, cu probabilidad di ser reelegi te 2025 den e eleccion di 22 di april (mientras tanto posponi pa luna di mei; red.), ta sigura cu e ta prepara pa posibel sancion.

Como 75% di e encuesta-donan a desapropa e mandatario, segun Datanalisis, pero casi 90% ta rechasa un embargo tambe.

"E sancionnan mester hiba gobierno na mesa di negociacion, pero nan lo sede? Nan a demostra te awor un absoluto indiferencia pa e deteriora socio-economico rapido den e pais", sr. Ochoa ta opina.

Brasil: A sali oficialmente di recesion economico

(Jornaldo Brasil) - **Ministro di Planificacion, Dyogo Oliveira, a bisa cu e aumento di 1% di Producto Interno Bruto (PIB) na 2017, a inaugura un ciclo nobo di crecimiento economico na e pais, cu lo continua na 2018. Riba Twitter di Ministerio di Planificacion, Oliveira a afirma cu e recesion di Brasil 'acaba' y cu ta premira un expansion di 3% di PIB na 2018.**

"Expansion di credito, regreso di inversion, mantene infla-

cion abao y principalmente e mehoracion di entrada ta elemento cu lo conduci na un crecimiento di PIB di 3% na 2018", segun Dyogo Oliveira. Segun e ministro esaki ta refleha e mehoracion di condicionnan economico na Brasil y ta e resultado di e politica cu a adopta desde inicio di e actual gobierno.

Den su opinion, e principal elemento cu a contribui na e recuperacion di e PIB tabata, di banda di oferta, e sector agropecuario y di banda di demanda, e consumo di e

famianan. El a resalta e resultado, cu e di cuatro trimestre consecutivo di crecimiento di actividad economico, loke no a sucede mas desde 2013.

E ministro a destaca ainda cu e inversion tabata e componente di PIB cu mas a crece den di cuatro trimestre di 2017, cu tabata 2%, dunando continuidad na e tendencia cu ya a inicia den di tres trimestre, ora cu inversion a crece 1,8% compara cu e trimestre anterior. El a indica cu loke ta importante pa resalta, ta cu Brasil ya ta creciendo na un ritmo di 2% pa aña.



Venezuela: Oposicion ta mantene posicion negativo pa cu eleccion



(Lapatilla.com/Infobae) - **Varios partido opositor a rechasa diahuebs pasa e decision di e partidonan di e seis aspirantenan pa presidencia di Venezuela, di retrasa e fecha di eleccion pa di dos mita di luna di mei proximo, y a reafirma cu nan no ta participa den e convocatorio nobo aki.**

"Mi a bisa anteriormente cu esun di 22 di april no ta eleccion, awor mi ta bisa cu: esun di 20 di mei no ta eleccion. E problema no ta e fecha, ta e fraude", e diputado Delsa Solorzano a pone riba Twitter tocante e decision di pospone eleccion, cu anteriormente tabata poni pa dia 22 di april pa Consejo Nacional Electoral (CNE).

Partido Voluntad Popular, a traves di un comunicado, a retira su rechazo di e convocatorio pa eleccion presidencial. "E fraude electoral no ta cuaha ni cu maizena cu e candidatonan di e oposicion falso ta representa. Parce cu nan no a comprende e mensahe cla cu insistentemente nos a expresa como Voluntad Popular hunto cu e Unidad (MUD), awor nan ta

pospone e electoral pa luna di mei, keriendo cu e berdadero oposicion lo keda legitima cu un contrincante pa e dictador. Sr. Maduro: Cambia fecha di eleccion sin condicion y cu preso politico no ta cambia nada, pasobra e montahe di eleccion aki ta un fraude electoral cu nos no ta bay duna balor."

Union Europeo ta exige garantia pa eleccion

E alto representante di Union Europeo (UE) pa politica exterior, Federica Mogherini, a pidi Venezuela garantia pa sigura eleccion liber, transparente y creibel y a subraya cu e unico salida di e crisis na e pais ta exige un solucion politico y cu respaldo.

Sra. Mogherini a splica den un comunicado cu diahuebs el a papia cu ministro di Asunto Exterior di Venezuela, Jorge Arreaza, y cu presidente di Asamblea Nacional di Venezuela, Omar Barboza, relaciona cu e ultimo acontecimentonan na e pais.

E hefe di diplomacia Europeo a subraya cu 'ta di suma importancia cu gobierno establece garantia ampliamente acorda pa sigura eleccion liber, transparente y creibel,

basa riba un calendario electoral viabel y cu oposicion ta comprometi di manera uni na e obhetivo aki'.

"Esaki ta crucial pa e credibilidad y confiansa di e poblacion pa cu e resultado di eleccion. E decisionnan no ta

inclusivo, y solamente lo crea mas polarisacion y obstaculo nobo pa un solucion pacifico", Mogherini a adverti.

Fix and Fun!

Haci bon, Pasa bon!

ARUBA DOET 2018

9 Y 10 DI MAART 2018

Inscribi AWOR como boluntario!

arubadoet.com

Gobierno buscando forma pa sincronisa educacion y trabou



WILLEMSTAD - Recientemente minister di Enseñansa, Marilyn Alcalá-Wallé hunto cu minister di Social y Labor, Hensley Koeiman a sinta cu nan ministerio y sra. G. van Lieshout pa papia tocante e proyecto siña mientras cu bo ta traha y siña traha. Esaki ta segun e fuente Curaçao Chronicle.

E obhetivo ta pa bin cu manera pa e personanan pa e Mercado laboral, pero tambe pa nan tin un educacion adecua cual lo cualifica nan pa e trabou riba e isla.

Ambos ministerio ta sincronizando e trayectoria pa

asina garantis cu e personanan lo haya un trabou despues di nan estudio y cu e mercado laboral por obtene miho empleadonan cu miho cualificacion.

Actualmente, tin un deficit entre e sector educativo y e Mercado laboral. Trahando hunto e ministerionan aki por yega na un acuerdo pa e sectornan educativo y laboral pa conecta hunto.

Segun ambos ministerio, esaki ta e forma cu e gobierno por prepara personanan pa nan ta mas cualifica pa e trabounan specifico cu e isla tin di ofrece.

Proyecto di reconstruccion Sint Maarten

PHILIPSBURG - E departamentu di asuntonan huridico y asuntonan interior ta trahando riba un ordenansa nacional pa formalmente establece e oficina di recuperacion nacional traves di e proyecto di reconstruccion di e pais lo canalisa na Banco Mundi-

al. Esaki ta segun e fuente Dutch Caribbean legal portal.

Prome minister, Leona Romeo Marlin, a bisa diaranson ultimo cu e proceso a avansa, igualmente di e proceso di temporalmente tin e estructura pa mancha e proyectonan y program-



anan.

Tur e proyectonan y programa ta wordo financia pa Dutch Recovery

Fund cu un total di 550 milyon euro. Banco Mundial lo administra e parti di e placa cu lo wordo deposita den un fondo.

4 boto nobo pa Coast Guard

WILLEMSTAD - 4 boto di tribon metal, esaki ta e futuro reemplazo di e Super Rhib, a yega na e waf di Curaçao y tan a caminda pa e centro di apoyo di Coast Guard di e Caribe Hulandes. Esaki ta segun e fuente Curaçao Chronicle.

Coast Guard lo tin hopi trabao pa haci den e proximo simannan prome cu botonan por ta operativo.



Bario Fleur de Marie como atraccion

WILLEMSTAD – Recientemente Bario di Fleur de Marie a wordo transforma di un bario cu hende ta prefera na desvia, den un fuente di atraccion. Tanto turista como localnan awor ta hopi interesa den e infra-estructura y habitantenan di e bario. Despues di a implementa Integrale Wijkaanpak, e situacion a cambia. Esaki ta segun e fuente Retkaribence For di aña 2000, Fleur de Marie tabata riba lista di gobierno pa haya un revitalisacion. Na 2008 a bira conoci cu USONA y AMFO ta financia e desaroyo integral dje bario. Unidad di bario a haya e encargo pa atende cu e aspecto social.

E problematica di adiccion, tambe ta un dje aspectonan di pobresa, na Fleur de Marie. A pesar cu mientrastanto Fleur de Marie a bira mas accesibel, e problema aki no ta completamente solucionado. E parke na entrada di Fleur de Marie, ta contribui hopi na e desaroyo positivo. Jeannette Juliet-Pablo :



“Bo ta mira cu e parke tin mas funcion, tin mas hende ta risca biba den e bario.”

“Awor tin tambe hopi interes pa actividadnan social. Tin tambe mas oficina ta habri e bario. Bo ta mira cu henter e acercamento a trece tambe henter un otro manera di mira e bario. y esey tabata nos intencion”, e presidente di unidad di bario, ta añadi.

Jeritza Maduro, ta coordinado di e cushina di bario di Fleur de Marie. E mes no ta biba den e bario, pero a acept-

ta e peticion pa yuda desaroya Fleur de Marie. Hunto cu su assistent, Rosa Grotestam, nan ta cushina y bende, den siman, pa habitantenan y tambe hendenan pafo di e bario.

“Tin bon ambiente den e bario. Nos ta cushina tambe pa algun pensionado cu ta bin busca nan cuminda tur dia y despues nos ta sigui atende e otro hendenan”, Jeritza ta splica. “Mi ta haya cu Fleur de Marie a cambia hopi, pasobra mi no tabata conoce e bario asina aki. Ademá el a bira nechi tambe”.



Con ta sigui cu e desaroyo?

Tur actividad relaciona cu postcuido ta costa cen. Esaki ta conta tambe pa Fleur de Marie. Ademá tin mester di hende cu conocemento dje materia pa sigui guia e proceso. E hecho cu gobierno ta cortando den e subsidio di organisacionnan no gubernamental, manera unidad di

bario, por limita tambe e servicio cu unidad di bario por duna. “No por depende riba boluntarionan pa tur cos. E cortamento di e sosten di gobierno lo afecta Fleur de Marie tambe, pero mi no ta spera cu lo ta hopi. Sinembargo mester scoge kico bo ta bay sigui haci”. Asina Jeannette Juliet-Pablo, a conclui.

Mercado flotante na Corsou lo wordo cera permanente



WILLEMSTAD - E Mercado flotante di fruta y berdura cu ta situa na Punda lo cera awe permanente. Esaki lo sosode 3or di atardi despues cu e ultimo 4 botonan bandona Curaçao, esaki ta algo cu nos nunca a pensa cu lo sosode. Esaki ta segun e fuente Curaçao Chronicle

Venezolanonan no por haya fruta ni berdura di nan propio pais debi cu e frontera ta cera. Segun e Venezolanonan no ta ricibiendo ningun ayudo di e autoridadnan di Curaçao.

E mercado di fruta na Punda ta existi ya pa 101 aña caba. Semper e tabata promociona, no solamente como mercado di fruta y berdura pero tambe como un atraccion turistico.

E gobierno ya ta debatiendo kico lo haci cu e area aki awo. Aki ta unda tabata tin diferente sugerencia, incluyendo e posibilidad di duna localnan e oportunidad di bende nan productonan aki nan.

EXECUTORIALE OPENBARE VERKOOP

Op **donderdag 5 april 2018** des namiddags om 14.00 uur, zal in de vergaderzaal van de “Aruba Surfside Marina”, L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, bij opbod en daarop volgende afmijning worden gehouden van:

een perceel eigendomsgrond, groot ongeveer negenhonderd vijftig vierkante meter (± 950 M2), of zoveel groter of kleiner als na kadastrale opmeting zal blijken zoals op het terrein is of zal worden afgebakend, gelegen te Siribana in Aruba, zoals dat perceel omschreven en aangeduid is met kavel 3 in het daarvan opgemaakte meetdocument (**index D6066**), afkomstig van het perceel kadastraal bekend als Land Aruba Eerste Afdeling sectie R nummer 2842, met het daarop gebouwde, plaatselijk bekend als **Siribana 20-X**;

Inzetprijs: Afl. 400.000,==

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Bieders dienen terstond een bankgarantie te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com / auktion@notaristromp.com

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA HUUR na Rooi Bosal un trailler 2 camber, 1 baño, sala y cushina ta hunto "no muebla" pa mas info Tel. 592 7934	TA BUSCA Trabou pa haci cas limpi of pa cuida mucha y hende grandi. No interna Tel. 641 1332	SERVICIO PUBLICO Buscando auto pa huur y na bon prijs? yama nos Tel. 593 9953/ 593 8453	SERVICIO PUBLICO Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs Tel. 738 1908	TA BENDE Nissan Tiida 2011 den bon condicion, automatic, A/C Prijs 16.300 awg Tel. 737 1495
TA BENDE un auto marca Chevrolet modelo Epica, aña 2007 aut. Excelente condicion Tel.592 5462	SERVICIO PUBLICO Se ofrece enfermera para cuidar a ancianos o discapacitados Tel. 566 3098	TA HUUR Apartment camber, sala, cushina, baño. Inclui wifi y cable. Fls.800 + 1 luna borg Tel. 568 7779	TA HUUR Studio na Aruba Beach Club por acomoda 4 pers. Siman 28 di July prijs: \$750 Tel. 582 2320	TA HUUR En Seroe Blanco habitacion con cocina y baño independiente para una persona (dama) Renta :600 fl deposito 600fl servicios aparte Tel. 562 3006
TA BENDE Un Terreno propiedad cu ca- minda di klinkers na Tamarijn pa traha e cas di bo soño Tel.582 8080	TA HUUR Apto na Tanki Leendert full muebla Afl.1.200 + deposito awa + coriente apart Tel. 733 3322	TA HUUR Apartamento di 2 camber full muebla na Seroe colorado. Pa info pls. Yama Tel.5698007	TA BENDE Appartment complex (5) + 1 cas Guyabastraat Afl.375.000 Cel. 592 9966	SERVICIO PUBLICO Barata Barata Nos ta chapi, lanta sushi, spuit veneno, corta mata, na bon prijs Arubiano balente Call 592 5766
SERVICIO PUBLICO Mr. Facunda clarividente/ Santero. Tur problema tin solu- cion trabou 100% garantisa Reuni amor, kita mala suerte Tel: 740 2206	SERVICIO PUBLICO ta drecha tur sorto di Imagen Tel. 584 2489	SERVICIO PUBLICO Se ofrece enfermera con experi- encia para cuidar adulto o niños discapacitados Tel: 566 3098	TA BENDE Guitara cuarta di + papa Hart, awg.75 Cel.742 5845	TA BENDE Varios Terrenos propiedad di diferente tamaño na Tamarijn cu caminda di klinker. Tel. 582 8080
SERVICIO PUBLICO Mi ta ofrece servicio di electricista, electricidad en general, problema cu corto circuito y mantencion Tel. 566 5026	TA BENDE Cashi di baño blanco cu spiel sin wasbak Avg.275,00 Tel. 593 2952	SERVICIO PUBLICO Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	GRATIS Nos ta piki tur sorto di auto bieu, gratis. Tambe airco, bateria, stoof, wasmachin, frididaire etc Tel. 561 4297 / 561 5179	SERVICIO PUBLICO Ta furra tur sorto di stoel tambe dashboard di auto/porta Trabouw garantiza, hopi varie- dad di tela Tel. 746 0518
TA HUUR Studio Apartment 750 + 1 luna Muebla pa 1 persona. Tur cos inclui Tel. 741 8637	SERVICIO PUBLICO Mi ta ofrece pa cuida mucha y hende grandi, haci cas limpi, mentenimento di beauty salon, ayudante di cushina, vendedora Tel. 748 7066 /748 7041	SERVICIO PUBLICO Master Nails Pa e miho servicio y experiencia den mantencion y atencion pa bo huñanan. Yama pa un cita Tel. 744 9214	TA HUUR un Aptm di 1 camber pa 1 per- sona, Companashi Afl.750 + 1 luna di deposito, ecl. utilidades no muebla Tel. 592 9966	SERVICIO PUBLICO Pa tur di trabou di verf sea cas of negoshi . Trabou garantiza Tel: 561 5597

ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia24.com**

TA BENDE un cas na Wayaca Residence 3 camber, 2 baño. Afl.525.000 (negociable) Tel. 592 9966	TA BENDE un cas + espacio comercial of aptn na Caya Betico Croes 950 m2 tereno, construi 635 m2 Tel. 592 9966	TA BENDE un mesa di comedor cu 6 stul Afl.450 Tel. 592 9966	TA HUUR La Cabana Timeshare 1 camber di 29 di maart te 6 april Semana Santo Tel. 583 8132 / 641 6184	TA BENDE Tereno na Tanki Leendert 1000 m2 eigendom Afl.175.000 Tel. 593 2952	TA BENDE cas situa na Socotorolaan 25 3 camber cu closet, 2 baño, sala comedor, cushina, porch, cura. Prijs taxatie rapport Aw.278.000 Prijs pidi den man Avg. 225.000 Tel. 593 0909
TA BENDE Cashi di palo color bruin 1.20 cm x 2.17 cm lachi na banda shelf y lugar pa colga paña Prijs awg 300,00 Tel. 593 2952	TA HUUR Studio di 29 di maart te 6 april Semana Santo Tel. 583 8132 / 641 6184	TA HUUR Appartment amoblado 2 camber. Ponton Tel. 745 0559/ 733 4033	TA BENDE Tereno comercial na TL. Prijs 175,00 m2 Uno di 1056 m2 awg 273.300,00 otro di 1000m2 awg 175.000,00 Tel. 593 2952	TA BENDE Tereno propiedad na Paradera cu caminda di klinker. Por traha bo mesun modelo di cas Tel.582 8080	

Marisol M. Krozendijk, psicologa:

Bisexualnan: un carta di curason pa mayornan



Awe mi ta sigui cu e di tres articulo riba e topico aki. Mayor si en caso abo ta lesando e articulo aki probabelmente bo ta un bon mayor y bo ta purbando pa ta esaki den un situacion extremadamente confuso y kisas bo ta hayando yen di informacion conflictivo. Bo ta haciendo lo corecto y bo sigur por pasa den esaki. E articulo aki por yuda bo comprende y sostene bo yiu.

Mi kier bo tuma un rosea profundo. Relaha. Kisas lo ta bon pa bo lesa e articulo aki poco poco cada biaha of bo mester cana pa pensa. Kisas bo ta lesando esaki pasobra bo ta sospecha, of a descubri, cu bo yiu ta bisexual, of kisas paso bo yiu of un otro hende a bisa bo pa haci esaki. (IMPORTANTE: No asumi nada tocante bo ser stima basa riba un otro hende.) Si bo yiu a tribi di papia cu bo, ta comprensivo y provee un luga sigur, un esfera di aceptacion. Si bo yiu no a papia cu bo, crea un atmosfera den cual e por haci esaki ora e ta cla.

Ban re-capitula e articulonan anterior prome cu nos sigui. Cu bisexualidad mi simplemente kiermen e atraccion fisico y/of emocional na ambos hende homber y hende muhe. Mayoria di hende cu ta identifica como bisexual ta considera esaki un orientacion sexual independiente. No pensa riba bisexualidad manera un tiki "gay" (homosexual) y un tiki stret (heterosexual) pero como un orientacion cu su mesun caracteristicanan. Hende hopi biaha ta puntra dicon un hende lo kies pa ta gay of bi (bisexual). Hopi hende no ta pensa cu nan orientacion sexual ta un escogencia, kisas abo probablemente tampoco. E miho ruta di accion ta pa respecta e identidad di nos familiarnan y amistadnan, asumiendo nada.

Hopi hende bi ta habri tocante nan sexualidad, pero tin hopi cu ta den kashi (scondiendo nan sexualidad), mayoria di biaha door di miedo pa rechaso familiar, spiritual y social. Imagina con duro esaki por ta. Un persona bi -specialmente un jong- hopi biaha ta sinti su mes su so, pero como mayor bo por yuda bo yiu haya maneranan sigur pa descubri cu e no ta.

Tin hendenan bisexual cu tin un atraccion balansa na e sexonan, mientras otro nan ta prefera un sexo y ocasionalmente nan ta atraí na e otro, of nan ta shift den preferencia. Tin hende ta "shift" nan identidad sexual y tin periodonan mas largo den cual nan ta identifica manera stret, bi of gay. Tin otro nan cu ta djis laga labelnan cay ful.

Locual bo a haci como mayor porta no a haci bo yiu bisexual, pero kico bo ta haci como mayor por contribui na con confortabel y saludabel bo yiu ta. No tin un cura como cu esaki no ta un trastorno, pero tin hende cu por sigura bo cu e por wordo cura of kisas e ta djis un fase. E cos di fase aki ta confuso, pasobra tin hende cu a sinti cierto tendencianan bisexual y despues sigui pa un identidad asumi completamente homosexual- of heterosexual. Esaki no

kiermen cu tur hende, cu a yega di sinti sentimentonan bisexual, lo haci esaki. E solamente kiermen cu cierto hende ta experiencia sentimentonan bisexual cu nan ta of no ta actua riba nan nunca y identifica manera gay of stret. Otro individuonan por biba un bida perfectamente alegre identificando nan mes manera bisexual cu sentimentonan cu nan por of no ta actua nunca riba dje. Hopi hende homber bisexual y hende muhe ta contento den relacionnan monogamo, mientras algun ta prefera relacionnan mas alternativo. No tin reglanan riba e area aki, asina ta cu mi no por bisa bo kico pa spera.

Kisas bo tin fasenan bo mes. Hendenan cu haya sa cu nan yiu ta bisexual hopi biaha ta experiencia rabia, no por kere, ta nenga esaki, y mester rouw- sentimentonan diverso, bon y malo. Mi no por bisa bo kico bo ta sintiendo, lo bay sinti of mester sinti. Si na cualkier ora abo mes of bo yiu ta inconfortabel cu locual bo ta sinti, papia cu un amistad of un profesional. Mi deseo ta pa den futuro nos tin gruponan di sosten riba e area aki.

E por yuda hopi si bo djis papia cu bo yiu, kende lo sa mas di nan mes sentimentonan cu cualkier otro canal di informacion ey for. Bo por te hasta yuda otro door di comparti preocupacionnan cu boso por tin en comun. Si bo no sa con bo yiu ta sinti, bisa nan esaki y puntra. Kisas bo por comparti cu bo yiu cualkier sentimentonan bisexual of experiencianan cu abo mes por tawata tin. Encuanto laga otro hendenan sa -tambe algun otro mayor- bo yiu mester dicidi ken lo haya sa y na ki momento, maske esaki ta pone bo den un situacion fastioso. Finalmente cada persona mester dicidi con transparente e kier ta y mayornan, esunnan cu ta stimanan, mester respecta esaki. Tin hende ta hopi habri den esaki, mientras otro nan ta menos expresivo.

E cos mas fastioso pa mi riba e tereno di LGTB ta e cantidad grandi di hobennan cu tin pensamentonan di suicidio. Suicidio por wordo preveni. Si esaki kiermen cu mi mester pasa riba mi mes problemanan, mi mester haci esaki. Percura pa bo ta eynan pa bo yiu, maske bo mes ta confundi. No keda keto pasobra bo tin miedo pa bisa cosnan robes. Hobennan bisexual internacionalmente ta tuma nan bida na un cantidad alarmante. No laga esaki pasa den bo famia, no laga esaki pasa na nos dushi Aruba.



Autonan a dal frontal den otro

SAN MIGUEL - Recientemente a sosose un accidente riba un caminda di santo unda dos auto a dal den otro.

E impacto no tabata fuerte y ningun persona a resulta herida. Polis di trafico tabata presente pa tuma dato y road-

service a keda encarga cu e accidente.



Auto a bolter pa falta di preferencia

SEROE PITA - Recientemente na e crusada di Seroe Pita a sosode un accidente basta fuerte entre dos auto cu a laga persona herida.

Polisnan y ambulance cu urgencia a presenta na e sitio y constata cu falta di preferen-

cia a hunga un rol. Un auto bayendo direccion zuid a topa cu un otro auto cu a yega subi su dilanti y aki ta unda e autonan a impacta. EUn di e autonan a keda basta kibra y a keda den banda. Unidad di ambulance a atende cu e victimanan.



Autobus a dal den man di persona

ORANJESTAD - Recientemente dos autobus a acci-
denta contra di otro na altura
di e parada di bus chikito.
Na momento cu un homber
a bay baha for di su auto, el
a wanta su man na e porta,

pero net e momento ey un
otro autobus a pasa cerca di e
porta y a dal den e persona su
man y press esaki. E pinki ta-
bata basta herida, y ambulans
a presenta pa un control.



Polis ta hiba homber bebi cas

PONTON - Den siman
cu a pasa, habitantenan
di Ponton a scucha un
homber grita y ora a bay
wak kico ta pasando, nan
a wak un homber benta
abou riba caminda.

E homber tabata basta bura-
chi. Segun e comunicado,

for di trempa caba a wak e
ta cana bay abou y biniendo
ariba e curpa a bisa ta basta.
A solicita ambulance pa con-
trola e persona, pero cu ayu-
do di personal di ambulance
el a lanta para y cuminsa cana
poco poco. Polis duna e per-
sona un lift pa cas debi cu e
tabata trankilo.



FLEAMARKET
ROCOO PLAZA
Tanki Leendert Road 4 A
Diadomingo 4 MAART
Start 9 am BIG SALE
Antiques shops & OUTLET
Open Mon-Frid 9-4 pm
Fleamarket day 9-1 only
Call for info : Ph. 741-5640
Wholesaler BubblePlastic



BONDIA ARUBA **TODAY**

Caribbean Speed Printers NV ta en busca di un candidato pa e posicion di:

Periodista

Caribbean Speed Printers NV ta un compania local estableci na 1991, editor di e
medionan Bon Dia Aruba y Aruba Today. Nos ta suministra noticia y otro
contenido via nos medionan digital y print.

Responsabilidad principal:

- Crea noticia for di su concepto te na su implementacion segun reglanan
di calidad di periodismo independiente y di nos compania
- Crea y mantene contactonan nobo
- Sigui training interno
- Participa den un team
- Traha etico y responsabel

Rekisitonan:

- Scol di periodismo (nivel bachelor) y/of experiencia den periodismo y/of
nivel havo y disponibel pa siña e trabou di periodismo
- Por produci contenido pa nos medionan digital y print; skirbi noticia y otro
informacion; (siña) traha cu audio y video; traha cu social media y
Wordpress ta un plus
- Conocemento y interes general di Aruba (social, legal, cultural,
economico, politica, etc.)
- Un mente investigativo y critico
- Determinacion y persistencia
- Mester tin habilidad pa traha independiente como tambe den ekipo
- Mester por papia y skirbi Papiamentu y Ingles riba nivel bon. Mester
compronde Hulandes y Spaño.

Nos ta ofrece:

CSP NV ta ofrece un posicion unda por crece den un ambiente dinamico.
Salario y beneficianan ta di acuerdo cu e nivel di experiencia y educacion di e
candidato.

Si bo ta interesa, por fabor manda bo carta di solicitud y CV na atencion di HR
Department, Weststraat 22, Oranjestad, Aruba of via e-mail pa:
human.resources@cspnv.com

Pa mas informacion riba e posicion, tuma contacto cu sra. M. Engelhart na
telefon 582-7800.

Pronostico di tempo

Atencion: un aviso pa boto chikito ta na vigor...

Tempo:

Parcialmente nubia cu localmente un awasero

Temperatura maximo 31 grado Celsius y temperatura minimo 25 grado Celsius. Solo lo baha awe nochí 06:49pm y lo sali mañan mainta 06:54am.

Biento:

Moderá for di direccion oost te noordoost; forsa 3 te 4 (12 te 30 km/ora,

7 te 16 nudo).

Den dia basta fuerte te posiblemente fuerte den rafaga; forsa 5 te 6 (31 te 50 km/ora, 17 te 27 nudo).

Situacion general di tempo:

Den proximo 24 ora no ta bay tin cambianan significante den e tipo di clima cu tini actualmente. Aire mas seco a drenta den region local haciendo e posibilidadnan di awasero bira menos. Solamente den oranan di marduga y mainta trepan tin posibilidad pa un awasero pasahero.

Condicion di lama:

Olanan di lama lo ta for di direccion oost- noordoost cu haltura di 4 te 7 pia; e olanan di mas halto lo ta na costanan oost, noord te noordwest di e isla. Un area di presion abou riba oceano Atlantico ta creando labaderanan cu ta biniendo for di noordoost. Esaki lo causa lama poco bruto na nos costanan den proximo dianan. Un aviso pa boto chikito ta na vigor pa e motibo aki. Ta pidi ocupantenan di boto chikito pa tene esaki na cuenta.



Maneho nobo tereno: ta duna 1 año pa transicion



**ORANJESTAD – Go-
bierno ta duna un 1 ana
di tempo di transicion
prome cu reglanan den
maneho nobo lo drenta na
vigor pa terenonan di erf-
pacht.**

Asina e Ministerio di Infra-
estructura y Medio Ambiente
ta informa den un relato.

Segun e comunicado, tin

varios reglanan nobo den e
maneho cu tin como meta pa
e proceso di otorgamento di
tereno tuma luga den forma
transparente y pa depolitisa
esaki. E reglanan nobo por
wordo lesa entre otro riba
www.DIP.aw

Den e maneho ta stipula entre
otro cu tur tereno cu a wordo
duna den pasado, sea ta 2 año
pasa, 10 año pasa of 50 año

pasa, lo tin 1 año di tempo di
transicion pa e reglanan men-
ciona den e maneho conta
pa nan tambe. Den pasado,
tempo cu tabatin 30 pa 40 mil
hende bibando na Aruba y
no 120 mil hende manera cu
e situacion ta actualmente,
terenonan tabata wordo duna
na tamañonan grandi y pa
temponan indefini.

Consecuentemente ta haya

terenonan cu tin hopi año
para bashi, mientras cu tin
otro personanan cu si tin
necesidad. Cual ta netamente
e motibo di e cambio aki, esta
pa por logra e meta poni pa
ministerio pa mas hende por
haya pida tereno pa construi
nan cas.

Considerando e scarsedad cu
tin pa tereno y alabes e gran
necesidad pa cas den nos
comunidad, a stipula den e
maneho ki ora bo por pidi pa
extension/ expansion di cas
of di negoshi. Esaki ta defini
tambe cu porcentahenan
maximo di cantidad di me-
ter cuadra cu por expande cu
esaki.

Pa duna un ehempel: A mira
actonan pasa especificamente
den october y november
prome cu gobierno nobo a
sinta, caminda cu un hende
tabatin tereno di 2000 meter
cuadra y el a haya un expan-
sion di mas cu 2000 meter
cuadra. Cosnan cu no mag y
cu no lo bay tuma luga mas.

Den caso cu a haya un tereno

y a cuminsa construi riba dje,
un otro cambio ta indica cu
bo mester tin 60% di e edifi-
cio construi riba e tereno (bo
ta keda responsabel te na mo-
mento cu 60% di e edificio ta
cla), prome cu bo por traspasa
esaki pa un otro persona.

Ora kier traspasa un tereno
bashi (erfpacht), esaki lo
por wordo haci solamente a
traves di gobierno. 1. Gobi-
erno lo tin cu duna ok pa e
balor cu e ta wordo traspasa.
2. E mester wordo traspasa pa
un hende cu ta riba e lista di
espera pa un tereno na DIP
pa mas cu 1 año. 3. E mester
wordo traspasa pa un famia
di prome, segundo of tercer
grado.

“E maneho ta dirigi riba trans-
parencia, integridad, eficien-
cia y efectividad den otorga-
mento di tereno. Pa cual den
forma transparente ta spera di
por informa comunidad de-
bidamente tocante derecho y
rekisitonan den e procesonan
relaciona cu tereno”, segun e
minister.



Colegio San Augustin a celebra 70 año di existencia



ORANJESTAD – Aña pasa riba dia 13 di december Colegio San Augustin a celebra su 70 año di existencia. Durante e ocasion aki a duna homenahe na dos docente cu a labora na Colegio San Augustin y uno cu ta laborando ainda. Esaki ta segun e comunicado cu nos a ricibi di Colegio San Augustin.

E docentenan cu a haya homenahe tabata meneer Ho Sing Loy, meneer Werleman y juffrouw Peterson. Esaki a encera cu algun facilidad di e scol a keda nombra na nan nomber. Durante e anochi a hiba palabra directora di scol, A. Gunn, directora di SKOA, sra. Daal, prome minister sra. Wever – Croes como tambe minister di Enseñansa, sr. Lampe. Invitadonan a gosa di e show di baile prepara pa e alumnonan di ciclo avansa 1. Tambe riba e anochi aki tabata tin presentacion di e klasnan di Ciclo Basico 1, caminda nan a duna muestra di loke ta e productonan cu nan a traha en conexion cu e materia di PV. Ta yama danki

nan tur colega cu a colabora pa haci e anochi aki uno exitoso y tambe na tur e comerciante, DOW, Brandweer cu a sa di extende nos nan colaboracion.

Celebracion di Pasco Colegio San Augustin

Dia 14 di december nos scol a celebra Pasco na scol mes. Mainta tur alumno a bay cu nan mentor den klas, dje tur alumno y docente a bay bou di overdekte pa tende palabra di reflexion for di pastoor Juancho. Despues di e ceremonia a tuma luga e parti na unda a premia e alumnonan (ciclo basico y avansa) cu a resalta den e prome periodo, a enfoca riba prestacion, comportacion y colegialidad. Despues alumnonan a regresa na klas caminda tabata por a hunga weganan di mesa, como tambe playstation cu alumnonan mes a regla pa trece y haci competencia. Pa 12.30 un grupo di hoben artista, entre cual e conocido Fredi Richardson (Rasta) a bin duna un presentacion y pone un ambiente bou di overdekte.

Carrousel 2018

Dia 2 di februari ultimo dos docente di Colegio San Augustin a prepara un carrousel pa tur alumno di Ciclo basico 1,2 y ciclo avansa 1. Na e ocasion e alumnonan a ricibi informacionnan valioso di Cuerpo Policial, Cuerpo di Aduana y e K9 Maddy, FADA, Telefon pa Hubentud, Aruba Aloë, Caiso y Soca Monarch, FEPO y Famia Plania. Ta gradici e dos docente pa a hinca e mainta aki den otro.

Jump Up escolar

Dia 9 februari nos scol a participa pa prome biaha na e Jump up escolar di e scolnan secundario di pariba di brug. Scolnan cu tambe a participa tabata: Filomena College, Ambraham de Veer y Colegio San Nicolas. Bandanan Tsunami y Le Groove a sa di pone tremendo ambiente riba e ruta di YMCA te Carnival Village. Nos alumnonan tabata bisti cu T-shirt geel y nan a haya awa, boli y chips durante parada. Nos tin cu bisa cu e alumnonan di tur scol pero particularmente



esunnan di Colegio San Augustin a comporta tremendamente. Ta spera cu otro aña nos por participa un bes mas na esaki.

Deporte na Colegio San Augustin

Colegio San Augustin ta participa na varios competencianan escolar. Dia 6 di februari nos scol a titula campeon na Volleyball Escolar. E titulo aki nos a sa di mantene pa dos aña consecutivo. Despues di e entregamento di medaya y copa, e alumnonan a haya un treat di scol na Urutaka Center, caminda nan por a disfruta di dushi pizza y tambe algo pa refresca e garganta.

Alumnonan destacando riba tereno di deporte y musica

Brian Howell di klas 3c a participa den luna di december na e 'Caribbean Boxing Development Tournament' na Saint Lucia y aki el a logra gana e medaya di oro. Hakeem Lowe klas 3A otro atleta cu ta practica e deporte di Taekwondo a representa Aruba na dos ocasion, un biaha na Colombia y otro na Surinam y na tur dos evento el a logra medaya di oro. Dos alumno di Colegio San Au-

gustin a keda corona como Reina di Calypso Hubenil y tambe Reina di Roadmarch infantil. Ta trata aki di Queen Lizy Elize Jansen di klas 1B Queen Lintje Gerlien Heyliger di klas 4B.

ARUBA DOET

Dia 9 y 10 di maart venidero nos scol lo ta participando na Aruba Doet. Pa e ocasion aki nos scol lo bay pone grafiti riba cierto murayanan di scol, pa asina haci e parti di e infraestructura aki mas atractivo pa nos alumnonan. Pa e motibo aki scol ta buscando boluntarionan pa duna nos un man riba e dos dlanan aki. Tur mayor, famia y amigo ta mas cu bonbini, pa asina nos meta keda realisa. Pa registra como boluntario por inscribi riba e website www.arubadoet.com.



Haci bon, ARUBA DOET 2018 Pasa bon!

CEDE Centro pa Desaroyo ARUBA Oranje Fonds voor sociale initiatieven

9 Y 10 DI MAART 2018
Inscribi AWOR como boluntario!

arubadoet.com

40 aña di time share: na comienso Aruba lider den mundo



ORANJESTAD – Diamars pasa tabatin un celebracion special na e evento anual di ATSA, e asociacion di time share Aruba: celebrando 40 aña di time share na Aruba, y e resultadonan di un investigacion extensivo di studiantenan di Universidad di Aruba di e sector y e presentacion di un award pa Jan van Nes, un di e personanan mas reconoci den e sector di time share y turismo en general.

Presidente di ATSA Ursell Arends a menciona e desaroyo nobo pa haci mas pa e comunidad, e aspecto social. Entre otro pa fortifica relacionnan cu Cruz Cora y club di futbol SV Britannia: e asociacion lo duna e organisacionnan sosten financiero pa 5 aña.

Pero nan ta haci mas esta colabora cu Cede Aruba pa lanta un fundacion completamente nobo, Happy Community Fund, pa asina por financia traimerdia y cuidio di mucho cu ta pagabel y di calidad. Tambe lo colabora cu Universidad di Aruba pa un fondo di educacion (beca).

Locual e si ta mira como un desaroyo pa tene cuenta cu ne ta cu e segundo generacion, 10% di e studiantenan specifico na Aruba a bisa cu nan no ta haya e sector atractivo pa traha pa motibo di e oranan largo y iregular, segun e presidente. Esaki cu segun e, e doñonan di e time share resort nan na Aruba mester tene na cuenta y anticipa pa keda atractivo.

Importancia time share pa economia local

Director di oficina di turismo ATA Ronella Tijn Asjoe a trece diferente informacion y data dilanti pa muestra e importancia di e sector na Aruba. 20% di nos GDP (entrada nacional) ta di industria di time share. Bishitantenan di time share ta representa un averahe di 26% di e total di nos bishitantenan stay-over durante e ultimo 20 aña entre 1997 te cu 2017. Pa cu e mesun periodo aki, e industria aki a crece cu un averahe di 3,4% (mundialmente 5% desde 2013). E crecimiento di turistanan biniendo Aruba pa motibo di time share, ta mira un crecimiento di 2,4%.

Nan percepcion nan di e experiencia di time share ta muestra cu siguridad ta score hopi halto. Sigui pa e servicio, acomodacion, medio ambiente, beach-nan, hende y tempo. Mayoria ta sinti cu Aruba ta un dushi isla pa relaha.

Buscando experiencianan diferente

Locual e investigacion ta muestra sinembargo cu mas e edad ta subi, mas interes tin experiencianan diferente. Diferente den sentido cu e experiencia di beach, tempo (solo) y hende (servicio) manera e ta awor no ta suficiente pa stimula nan pa keda bin bek. E averahe di e cantidad di placa cu nan ta gasta tur dia ta 112,05 dollar. Pero e conclusion di e rapport ta cu e suma aki por crece mas si lo ofrece e turistanan, siguramente di edad mas ariba, experiencianan diferente. E investigadonan e ora ta recomenda pa promove mas experiencianan cu ta pas den nan estilo di vida. Nan ta conseha e doñonan di e time share resort nan na Aruba pa cuminsa colaboracionnan cu comerciantenan den e otro sectornan pa duna nan huespednan un miho experiencia. Y asina percursu cu nan lo bin bek sea convence otronan pa cumpra time share na Aruba.

“Por ehempel facilmente por pone un tent riba ruta di carnaval y cobra e turista 300 dollar. Asina bo por stimula cu nan ta gasta mas”, segun e profesor di Pietro. Pa motibo di esey nan ta recomenda pa traha paketenan special pa turistanan cu edad mas halto unda nan por conecta entre otro cu e hende local. Manera come cu un famia Arubano etc. Esey nan ta experiencianan cu ta falta awor, asina un mensahe importante tabata pa e doñonan di resort nan riba e anochi di celebracion di 40 aña di time share.

E turistanan cu tin time share biniendo for di Merca (mayoria), tin un cartera yen y mas tanto ta babyboomers (65 aña bay ariba). 92% ta manera indica, ta ‘affluent’, pues tin basta cen pa gasta. “Aruba ta conoci den e region Caribense pa tin e porcentahe mas halto di bishitantenan cu ta bolbe nos isla pa pasa nan vacacion. Esaki danki parcialmente na e industria di time share”, segun e director di ATA.

Locual tambe por mira ta cu hopi ta trece nan famia. “Ademas, casi tur doño di time share na Aruba ta bishita nos destinacion pa mas cu 10 aña. Nan ta sinti hopi pasion pa nos isla y ta encanta cu nos cordialidad y nos amabilidad”, segun ATA. Segun nan investigacion 38,4% di e bishitantenan ta bin Aruba pa motibo cu nan a tende comentari-onan positivo di nan amigonan y of famia. Riba e index di experiencia di e bishitante (Guest Experience Score) por mira cu en general e turista nan ta duna Aruba un score di 86,57 (mas halto mas positivo). Esunnan cu ta bin Aruba pasobra nan tin time share, ta duna un score di 88,11.

Investigacion profundo di industria di time-share

Manera menciona un grupo di studiantenan di Universidad di Aruba (UA) bou guia di profesor Robin di Pietro di University di South Carolina y e decano John Warlaw di UA, a conduci un investigacion profundo na 2017. Nan a entrevista turistanan den e sector di time share y diamars a presenta e prome resultadonan.

Manera ATA tambe a trece, mayoria (0%) di e turistanan tin un edad mas halto, 51 plus, na Aruba. Compara cu resto di mundo (30%) esaki ta hopi halto. E motibo cu bishitantenan ta cumpra un time share na Aruba ta pasobra nan ta gusta e resort. Ora nan tin un acomodacion di time share, un gran parti ta bin Aruba frecuentemente: 70% di e respondientenan a indica cu nan a bishita Aruba pa mas cu 10 biaha. E averahe di nan estadia ta 12,5 dia. Y hopi no ta bin nan so (3,28 persona averahe cada bishita). Un gran parti tambe ta herida e time share di nan mayornan y asina keda bishita Aruba.

Turismo di time share tambe tin un balor social pa Aruba



ORANJESTAD – Ora horcan Irma a pasa e isla di St. Maarten esaki tabata un desaster tambe pa e pilar economico mas importante di e pais, esta turismo. Sinembargo ya den e prome dianan despues e desaster, turistanan tabata bin. Y mas tanto pa duna un man. Nan tabata casi tur turistanan cu time share na St. Maarten.

E ehempel aki nan a duna varios biaha na e 19th International Shared Ownership Investment Conference na Miami october 2017 ultimo pa indica e importancia di e segmento di turismo di time share comparando cu otro segmentonan turistico.

Bon Dia (y tambe Aruba Today) tabata presenta riba invitacion di e un di sponsornan mas grandi di e evento anual, esta Interval International. E compania aki ta traha programan di miembresia pa turistanan y tambe duna servicionan pa su clientenan (doñonan di timeshare) tur rond di mundo. Nan tin un red di cliente consistiendo di 32000 resort di time share den 80 pais por ehempel.

Como prensa independiente, Bon Dia nos a cubri diferente sesion riba e mercado di time share. Un di e desaroyonan interesante e ora cu nos a nota ta, cu e turista di time share ta envolvi tambe momento cu un desaster ta pasa na e pais unda nan tin time share. Manera a pasa na St. Maarten. E pais aki mes-cos cu Aruba (por lesa mas riba e importancia di e sector aki na Aruba riba e prome pagina, 16) tin pa decadanan un segmento di turismo di time share grandi. Mes-cos cu Aruba, e pais ta ricibi turistanan cu pa decadanan

tambe ta pasa vakantie na e isla, disfrutando di nan condominio di cual nan ta dono parcialmente. Y momento cu nan a tende di horcan Irma y su efecto desastroso p’e isla, nan tabata esun prome cu a bay wak. No solamente pa motibo cu nan kier wak kico a pasa cu nan condominio, pero tambe con nan por yuda e isla y specialmente e hende-nan.

Asina durante e conferencia na Miami e asociacion di timeshare na Merca, kier muestra tambe cu e turismo di time share tin un otro balor tambe pa e paisnan/islanan Caribense di solamente economico. E turistanan aki ta sinti nan mes mas conecta cu e isla y cu e habitantenan, asina nan ta mas disponibel pa yuda, contribui na e comunidad local, etc.

Desaroyonan global

Durante e sesion general di e conferencia nan a muestra tambe cu en general mas y mas hende cu ta bay riba vakantie, kier contribui na e pais unda nan ta bay cu vakantie. Nan kier ta mas social y contribui hasta durante nan vakantie na un bon causa. Pa motibo di esey e mensahe durante e conferencia pa e publico presente, consistiendo di hopi doñonan di time share resort sea bendedonan sea otro personanan den promocion y of desaroyo di e turismo aki, ta cu e turismo di bon voluntad nan por uza como instrumento pa bende of promove time share.

Mundialmente nan tabatin un suma di 20 biyon dollar di time share bendi (ultimo cifra disponibel den rapport 2016 di ARDA, e American Resort Development Association) na 2015. Esaki tabata un crecimiento di 11,5%

compara cu 2014. Tin globalmente mas casi 5400 resort di time share den 121 pais cu mas cu 527.000 acomodacion di time share. E cremento di e mercado aki averahe ta 5% dede 2013. Mundialmente e grado di ocupacion di un resort tabata 76% na 2014 cual a subi pa 79% na 2015. Na 2017 a traha 91 resort/propiedad nobo di time share (7300 acomodacion nobo di time share).

Mercadonan nobo sea unda e sector ta mira crecimiento mas grandi, ta Mexico/Latino America, Asia y tambe e ciudadnan grandi manera Ney York. E ultimo ta un desaroyo relativamente nobo unda por mira cu turistanan ta cumpra un camber/apartamento di time share den un ciudad grandi of nan ta intercambia puntonan pa asina por keda na un acomodacion di time



share den e ciudadnan grandi manera New York, pero tambe Paris, Singapore, etc. Pues asina e time share ta bira mas tanto un programa di miembresia. Un por ehempel bo tin un time share na Marriott Aruba anto bo ta intercambia esaki pa un otro time share di

Marriot na New York. Hasta por opta di keda den luganan di mas aventura (den naturalesa) of un crucero.

Continuacion riba Pagina 31

ITP Caribbean
Information Technology Partners

Bleep bleep without the blah blah

ITP Caribbean is een professioneel dynamisch bedrijf werkzaam op het gebied van automatiseringsadvies, software ontwikkeling en netwerkbeheer. Door de professionele medewerkers, de gehanteerde IT-concepten en nuchtere pragmatische aanpak, is ITP Caribbean voor opdrachtgevers een strategische partner-in-business. ITP Networkservices is onderdeel van het ICT bedrijf ITP Caribbean. ITP Networkservices is gespecialiseerd in het beheren van kleine en grote computernetwerken. Steeds meer laten organisaties hun ICT beheer of delen ervan over aan onze professionals. Daarmee garanderen we onze klanten dat hun ICT infrastructuur optimaal wordt beheerd. ITP Networkservices is op zoek naar een:

2^e LIJNS NETWORK-/ SYSTEEMBEHEERDER (m/v)

FUNCTIEBESCHRIJVING

Als Netwerkbbeheerder/Systeembeheerder werk je in een team van professionals binnen de afdeling ITP Networkservices. Je voert het netwerkbeheer en systeembeheer uit bij klanten van ITP Caribbean. Daarbij maak je gebruik van geavanceerde beheerssoftware. Je voert onderhoudswerk uit zowel op afstand als ter plaatse bij de klanten.

PROFIEL

Je zoekt graag oplossingen en kunt deze ook realiseren. Je bent zelfstandig en je beschikt over verantwoordelijkheidsgevoel en doorzettingsvermogen. Je bent gewend om in teamverband te werken. Je werkt gestructureerd op basis van standaarden en je documenteert je werk. Je hebt aantoonbare kennis en bent leergierig.

VEREISTEN

- Ruime aantoonbare ervaring als Netwerk-/ Systeembeheerder;
- Minimaal MBO/HBO opleiding;
- Praktische kennis van W2k12/16 servers en netwerken;
- Microsoft MCSE/MCITP certificaten;
- In bezit van rijbewijs en beschikt over eigen vervoer.

GEBODEN

- Leuke afwisselende baan;
- Aantrekkelijke salaris;
- Secundaire arbeidsvoorwaarden;
- Prettige werksfeer;
- Doorgroeimogelijkheden.

Ben jij de kandidaat waar wij naar op zoek zijn?
Stuur dan je sollicitatie met CV aan Dhr. R. Fijn, ITP Caribbean N.V., Rumbastraat 7, Oranjestad, Aruba; per e-mail naar ITP@itpinternational.com.
Zie onze website www.itpinternational.com

Careda ciclismo den e area di Malmok

ORANJESTAD - Den e weekend venidero, Aruba Wielerbond lo tin dos dia di ciclismo Warm-Up 2 Stage den e area di Malmok y vecindario.

E careda lo ta diasabra y diadomingo awor. E federacion di ciclismo lo tene dos careda chikito y dos grandi den forma di circuito na Malmok/Bakval. Mester bisa cu ariba e prome dia, esta e diasabra, lo tin un time trail di 6km den e categoria mayor, mientras cu diadomingo e careda lo ta riba un distancia di 12km pa esunnan hoben y 84 km pa esunnan mayor.

Remarcabel ta cu dia 18 di maart e federacion di ciclismo lo ta organisando un careda masha grandi mes riba ruta cu un recorrido basta largo mientras cu e evento di diasabra y diadomingo awor ta net un bon preparacion pa drenta den e rutina di ruta.

Mas cu claro un suplica ta bay na tur automobilista cu lo usa nos careteranan, pa porfavor tene cuenta cu riba e dos dianan menciona den e area di Malmok y Bakval lo bay ta uno hopi ocupa cu atletanan riba bicicleta, como tambe mirones bandi caminda ta apoya nos ciclistanan.



MMA referee ta biaha pa Iowa



ORANJESTAD - E conocido referee di MMA, Andres Tromp lo biaha pa Davenport, IOWA. Esaki ta en conexion cu evento di Cage Agressions, segun 297sports.

E conocido referee di mixed martial arts, Andres Tromp a yama un conferencia di prensa unda e la elabora riba su proximo biahe. El a wordo invita pa atende reunionnan importante cu staf nan grandi di ABC pa purba yuda Aruba cera reconocion no solamente pa e deporte di MMA, pero tambe pa habri caminda pa mas referee haya e oportunidad di ser reconoci, segun e medio di comunicacion.

Sr. Tromp lo arbitra den e Cage Agressions na Davenport, Iowa den diferente peleanan di profesional y alabes percura pa haci promocion pa Aruba.

Braulio Wester den feliz memoria a haya un reconocimiento

ORANJESTAD - Baluarte Braulio Wester den feliz memoria a haya su honor di Little League Mundial, segun 297sports.

Baluarte di baseball, Braulio Wester den feliz memoria a haya un reconocimiento pa su trabou incansabel den Little League Baseball. Pa mas di 60 aña e legendario dirigente Arubano a guia numeroso pelotero na Aruba durante su trayectoria den baseball.

Awe durante di e Congreso Latino Americano di baseball na Corsou, su subrina Raquel Wester, den presencia di DA di Aruba Little League, Rhudy Donata a ricibi e bunita merito na honor di su kerido omo.



DOUBLE DOWN
SPORTS BAR & GRILL

- Advanced seat/ Table Reservation
- Fully Air Conditioned
- 32 HDTV widescreens
- 6 Giant Screens

FEATURED EVENTS

CYBORG vs KUNITSKAYA
WORLD FEATHERWEIGHT CHAMPIONSHIP

UFC 222
PPV WATCH PARTY
MARCH 3
WIN
EDGARD vs ORTEGA
FEATHERWEIGHT BOUT

VIP TICKET WITH THE PURCHASE OF BEER BUCKETS

TROPICANA
ARUBA RESORT & CASINO

TA
TROP ADVANTAGE™

Must be age 18 to play. Play responsibly.
www.gamblersanonymous.org

J.E. IRAUSQUIN BLVD. 248, ARUBA, DUTCH CARIBBEAN | TROPARUBA.COM | (297) 527-9160 | LOCATED AT THE TROPICANA ARUBA RESORT & CASINO

Van Schip ta gana plata na Campeonato Mundial

APELDOORN - Jan Willem van Schip a gana un medaya di plata na e Campeonato Mundial ciclismo di pista, cu e asina yama 'puntenkoers', segun Telegraaf.nl sport.

E Hulandes a gana e delaster sprint y pa via di a gana e puntonan el a sali na e di dos lug. E medaya di Oro a bay pa e Australiano Cameron Meyer. Esaki a gana e etapa pa e di 5 biaha. E atleta di Inglaterra, esta Mark Stewart, a gana brons. E medaya di plata di van Schip ta e di 4 medaya pa Hulanda na e Campeonato Mundial.




Atleta Dafne Schippers no ta gana na Campeonato Mundial



BIRMINGHAM - Na e Campeonato Mundial di indoor atletiek na Birmingham, Dafne Schippers no a logra di gana un medaya. Esaki tabata e careda di 60 meter. E Hulandes a finalisa na e di 5 lug cu un tempo di 7.10 seconde. Dos ana pasa Dafne a logra gana plata na e Campe-

onato Mundial di Portland. E medaya di Oro a bay pa Murielle Ahouré di Ivoorkust. Marie-Josée Ta Lou (tambe di Ivoorkust) a gana e medaya di Plata. Mujinga Kambundji, cu ta representa Suissa, a finalisa na e di tres lug.



Delegacion di Aruba Little League a atende congreso Latino Americano

ORANJESTAD - Recientemente representante di baseball Little League Latino Americano Carlos Pagan y representante di Aruba Little League Rhudy Donata. E congreso aki a tuma luga na nos isla ruman Corsou. Esaki ta segun e comunicado cu nos a ricibi.

Durante di e congreso ta evalua e desaroyo di baseball Little League den e area di Latino America y Caribe. Mester bisa cu mayoria paisnan miembro ta atende e congreso unda conhuntamente ta trece cambianan den e reglanan esaki na bienestar di e baseball infantil y hubenil den nos continente y region. Na comienso di e aña aki, administrado di distrito, Rhudy Donata a atende congreso di baseball



little league mundial na New Orleans, Merca unda durante di e congreso internacional aki a evalua e programa di baseball y softball hubenil organisa pa e organisacion di

baseball/softball mas grandi na mundo cu ta Little League Internacional. Un bunita momento durante di e congreso Latino Americano e aña aki tabata

e homenahe cu Aruba Little League a ricibi na honor di e baluarte y legendario personahe den e mundo di baseball Little League Arubano Braulio Wester, awe den feliz

memoria. Pa mas di 60 aña, sr. Wester tabata dirigente di Aruba Center League y a dedica su bida na formacion di nos hobennan den e mundo di baseball.



Cincinnati Reds ta gana White Sox 8-7

ORANJESTAD - E pelotero Arubano Chadwick Tromp a conecta un walk off hit y asina a duna su ekipo di Cincinnati Reds e victoria contra ekipo di Chicago White Sox. E partido a termina cu e scorenan di Reds 8- White Sox 7 durante di Big League Camp Spring Training 2018. Esaki ta segun e fuente Sports Zone Aruba.



Advertorial

ANA, ADA y Aruba Bank ta trece pa dilanti e historia di deporte na Aruba

ORANJESTAD - E aña aki un biaha mas Fundacion Amigo di Archivo (ADA) hunto cu Archivo Nacional Aruba (ANA) ta organisa un dia cultural na oficina di ANA, unda cu henter comunidad di Aruba ta invita pa bin haya sa mas tocante e historia di Aruba y su comunidad. E tema di e exposicion e aña aki ta 'Historia di Deporte na Aruba'. Aruba Bank ta sostene e evento cultural aki den forma di patrocinio.



Cu e meta pa yuda engrandecere nos cultura y e evento



anual di 18 di maart, Aruba Bank den cooperacion cu

ANA lo enfoca ariba un pilar importante di nos comu-

nidad y esaki ta deporte. Pa celebra durante henter luna di maart e himno y bandera, cultura y hendenan, Aruba Bank y ADA lo trece dilanti un tiki di e historia di deporte. Aruba Bank, ADA y ANA ta invita pueblo di Aruba pa bin mira e exposicion di historia di deporte na Aruba dia 18 di maart desde 9or di mainta pa 6or di atardi. Durante e dia aki tambe lo tin un presentacion di baile cultural, acompaña pa musica y cuminda crioyo.

Parlamentario Arthur Dowers(AVP):

‘Mescos cu gobierno minister di Husticia no tin plan di maneho pa husticia’



ORANJESTAD - Ocho aña largo e actual minister di Husticia, a papia di un plan cu e tin pa atende cu criminalidad na Aruba como miembro di oposicion, cu en total 2920 dia.

Entre otro el a insisti cu no solamente e tin un plan con pa libra Aruba di criminalidad, pero di percura pa practicamente elimina atraconan y otro actonan criminal cu diferente idea cu e l tabatin. Ex minister di Husticia, ac-

tualmente parlamentario pa fraccion di AVP, Arthur Dowers ta muestra cu tur hende a sinta warda e plan aki wordo divulga y mira con minister di Husticia Andin Bikker(POR) lo ehecuta su plannan y asina caba di crimen riba e isla.

“Su gobierno a cumpli su prome 100 dia na mando algun dia atras y tur loke e actual minister por a muestra, ta su plan keto bay di bin cu helicopter, di algun idea cu e lo tin pa Cuerpo Policial, atende asuntonan cu ya tabata vigente desde gabinete Mike Eman pa atende, y e grupo di polis cu el a priminti di pone extra riba caya, te awe nada di nan.

Minister Bikker tabatin un plan cu segun nos ta e plan cu mester a salba henter pais Aruba di tur sorto di crimen, pero ta un plan cu segun e minister lo no tin atraco mas, lo no tin matamento mas, solamente hendenan cu ta bay misa, hendenan cu ta bay scol y despues nechi asina bay cas.

Awor nos por compronde cu e plan aki tabata un utopia ya cu e plan ey no ta existi y no ta skirbi ya cu si e tabata

skirbi, e lo a presenta esaki na nos y riba dje nos tin cu bisa cu su gobierno mes no tin un plan di gobernacion mes, of sikiera un concepto di e intencion di e gobierno aki pa atende cu asuntonan importante di interes general.

Esaki ta mesun minister cu prome cu el a sinta, e lo bay bin cu 100 polis den prome 100 dianan y te cu awor ni un solo polis el a bin cu esaki den e periodo aki.

El a priminti di lo bin cu un korpschef den e prome dos siman den gobernacion pero awor e ta bisa cu Dios su poder, e hefe aki lo wordo anuncia dentro di un siman. Nos ta spera pa mira kico ta bay paso pasobra e minister aki no tin nocion di kico ta gobernacion y ta kere cu esaki ta igual na maneho di un oficina di abogado, bo ta bay corte haci un caso y asina ey ta maneha un aparato gubernamental y awor e ta wordo confronta cu e realidad amargo di tur loke e tabata papia y haci y confronta cu tur loke e mes a sembra.

Antes tur ora cu algo sosode, e tabata grita duro cu Dowers no ta sirbi, esaki y esaya y awor tur cos ta sigui pasa y

ta bin resulta cu e no tin idea mes di tur loke e tin cu haci loke ta criminalidad den e pais aki y tampoco den su departamento”, parlamentario Arthur Dowers a declara.

Segun Dowers por a tuma nota cu siman pasa un delegacion di fraccion di MEP a bay Ministerio Publico, caminda a exige pa dentro di dos siman, papiando di metemento den husticia, y a entrega denuncia pero te ainda ningun hende sa contra ken, y a insisti cu den dos siman Ministerio Publico tin cu duna cuenta.

Pues exigiendo un derecho cu nan tin ya cu e ora tur hende cu bira victima di un acto criminal por bay exige Ministerio Publico pa atende e caso mesora pero esaki ta bolbe muestra cu parlamentarionan di MEP por dreña y entrega un denuncia y exige riba dje, un contesta.

Ta lanta e pregunta e ora ta kende ta minister di Husticia di e pais, y con por tin metemento di politica den Ministerio Publico, pero cu ta bira posibel ora cu e Minister no tin plan di maneho pa husticia.

Fraccion MEP:

‘MEP ta recorda 5 acontecimiento historico di e lucha pa Status Aparte’

ORANJESTAD - Luna di maart a caba di inicia y caminda tur bista ta fiha riba e celebracion grandi di nos Dia Nacional, esta nos Dia di Himno y Bandera.

Pero no solamente e celebracion aki ta hopi importante, pero den luna di maart tin varios otro fecha historico cu ta relaciona directamente cu e lucha cu e pueblo Arubano a hiba pa logra su libertad, su Status Aparte. Aki ta sigui den forma cronologico e 5 acontecimentonan importante cu nos tur mester reflexiona riba nan:

- 18 di maart 1973: 45 aña pasa y pa prome biaha e pueblo Arubano masalmente a manifesta den Wilhelminastadion dilanti parlamentarionan di Hulanda y Antias Hulandes exigiendo pa Aruba haya su Status Aparte.
- 16 di maart 1976: 42 aña pasa a aproba den Eilandsraad e himno y bandera di Aruba.
- 18 di maart 1976: 42 aña pasa a inaugura oficialmente den Wilhelminastadion nos simbolonan di union y libertad, esta nos himno y bandera.
- 25 di maart 1977: 41 aña pasa Aruba como e prome isla den reino Hulandes a organisa un referendum consultativo y caminda 82.5% di nos pueblo a vota pa un Aruba fuera di e constelacion Antiano.
- 7 te cu 12 maart 1983: 35 aña pasa a tuma luga e conferencia di mesa rondo na Den Haag caminda a logra pa Hulanda reconoce e derecho di autodeterminacion di Aruba pa sali for di e constelacion Antiano mediante un Status Aparte entrante 1 di januari 1986.

Sin duda cu nos tin cu siña balora tur e acontecimentonan historico aki cu a tuma luga den luna di maart y duna reconocimiento na e gran lider di e pueblo Arubano, Betico Croes cu tabatin e vision di libera e pais aki y pa cual el a uza tur instrumento na su alcance pa logra e ideal aki. Tur e acontecimentonan menciona finalmente a conduci cu awendia cu gran orguyo y den union nos ta celebra e gran Dia di Himno y Bandera.



**Relojes
Pulseras
Cadenas
Dijes**

Nos ta graba tur sorto di articulo di metal yama of bishita nos

**Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com**

“COMPRA Y VENTA”

Bachue
Joyeros

**Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm**

BACHUE

**JOYERIA
COMPRA Y VENTA**



Abo!

**No tin tempo
pa Laba y Seca bo
Pañanan!**

Pasa y Laganan na:

**AQUA
LAUNDRY**

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772

Fraccion MEP:

‘AVP a hereda un suma di 970 miyon cu nan por a cuminsa goberna den tur trankilidad’

ORANJESTAD - Ta increibel con te ainda tin politiconan di AVP kier sigui defende e maneho financiero, economico y social desastroso cu nan a hiba durante e ultimo 8 añanan.

Awor ta algun den fraccion di AVP, esta Benny Sevinger, Arthur Dowers y Mervin Wyatt-Ras, kendenan tambe a yuda hundi e pais aki, tin e curashi di critica e gobierno actual cu tin apenas 100 dia sinta riba stoel di gobernacion. Echo ta cu nan tur tres ta complice di e desaster financiero y awe nan consenshi ta remorde pa tur e maldad y desgracia cu nan a haci cu e pueblo aki. Sinembargo esun di mas culpabel pa loke ta e desaster financiero, esta Mike de Meza a keda keto keto (‘A boca cerrada no entran moscas’), ya cu e mes ta consciente cu tabata su persona como ministro di Financia a crea e deficitnan di mas espantoso den historia di Aruba: 2010: 188.6 miyon florin na deficit, 2011: 325.2 miyon, 2012: 443.3 miyon, 2013: 332.8 miyon y 2014: 405.8 miyon florin.

Deroche di 970 miyon florin

Pero locual ta remarcabel ta cu tanto Benny, Arthur y Mervin tabatin e mesun yoradera, comparando e 100 dianan di e gobierno actual (2018) cu e 100 dianan di nan gobierno di AVP (2010). Y manera semper e mesun storia y cantaleta, esta cu gabinete Eman supuestamente a haya e situacion financiero na werki na final di 2009 y cu nan no a sinta man crusa, pero a goberna di biaha den e prome 100 dianan. Sinembargo nan no ta splica cu ora nan a drenta gobernacion na 2009 nan a haya e caha di gobierno can can di placa cu nan por a abusa di biaha di tur locual nan a hereda for di gabinete Oduber. Un biaha mas partido MEP ta

Mike Eman a haya na 2009:	
Placa di Plant Hotel	250 miyon florin
BBO di Valero	280 miyon florin
FDA	190 miyon florin
Ganashi di Banco Central	10 miyon florin
Entrada stabil di BBO	200 miyon florin
Cash	40 miyon florin
TOTAL	
970 miyon florin	

ENTRADANAN		BBO	BAZV
(x mln Afl.)			
2010		295	-
2011		85	-
2012		89	-
2013		92	-
2014		93	6
2015		94	83
2016		94	118
TOTAL		842	207

trece e tabel adhunto padilanti caminda ta ser indica cuanto den total e gobierno di AVP a haya na 2009/2010. Aki ta papia di un suma total di 970 miyon florin! Pues e gobierno di AVP cu a haya e

suma di casi 1 biyon florin, por a goberna di biaha den tur trankilidad y cuminsa derocha esaki den un frega di wowo door di nombra tur nan compinchinan den gobierno, cuminsa firma contractnan miyonario pa loco na consultantnan, huurmento di edificio na granel, organisa conferencianan green, sponsor ekipo di futbol Sparta, sponsor Wubbo Ockels cu su boto, sumanan miyonario na Al Gore, Richard Branson etc. Sin duda cu un y tur mes por mira con gobierno di AVP a baña den placa y awe ta yora cu nan a haya e caha di gobierno bashi na 2009. Cu

nan a haya e caha bashi mes nan a derocha sumanan miyonario na nan antoho, corda si nan a haya e caha di gobierno yen mes!

Caha bashi na 2017

Echo ta cu e gobierno actual di MEP-POR-RED si a topa cu un caha di gobierno completamente bashi cu solamente rasca di huña, caminda danki na e gobierno di AVP aña 2017 a cera cu un deficit extra di 130 miyon florin y debi na e deroche excesivo di placa pa motibo di gabinete Eman, aña 2018 tambe lo tin un deficit di 300 miyon florin. Pa no papia mes

di tur e skeletnan cu e gobierno actual tur dia ta saca for di cashi y cu nan mester paga esakinan tambe. Ta increibel con e politiconan abusado di AVP a laga e pais aki den desaster atras na final di 2017. Tambe te ainda nan no por splica pueblo con lo mester bay paga pa e proyectonan PPP cu nan ta gaba tur dia di dje, esta un suma di 80.5 miyon florin pa aña y durante 30 aña largo. E hendenan aki mester tin berguensa di sigui papia riba financia publico, ya cu nan ta bay den historia como esunnan cu a ruina e pais aki y desgracia e futuro generacionnan pa e proximo 30 pa 40 aña.

Finalmente, ora cu Benny Sevinger ta papia di ‘Nos a topa un situacion dificil crea pa BBO’, e mester cuminsa samina su consenshi y admiti cu su partido tabatin tur e 8 aña di tempo pa elimina e impuesto indirecto aki, pero nan a sigui djodjo cu BBO y te hasta nan a crea un otro impuesto indirecto, esta BAZV. Awel pa su informacion, durante 2010 pa 2016, gabinete Eman a sigui baña den placa ricibiendo den total 842 miyon florin na BBO y 207 miyon na BAZV. Lo ta bon pa sr. Sevinger splica kico nan haci cu e suma total di mas cu 1 biyon florin ricibi di BBO/BAZV. Pero principalmente, e pregunta di con su partido no a percura pa elimina e BBO ‘from day one’, manera cu su lider Mike Eman a propaganda den tur skina di Aruba?



Gabinete Wever-Croes:

Colegio San Antonio a bishita prome minister'

ORANJESTAD - Prome Minister Evelyn Wever-Croes a ricibi un grato bishita di alumnonan di ciclo basico dos di Colegio San Antonio, acompaña pa Juffrouw Jilly Hernandez.

E tema di Gobierno ta wordo trata na e scol actualmente. Den e cuadro aki, Juffrouw Jilly a bin cu e proyecto pa brinda e alumnonan un miho bista di con e Trias Politica ta draai na Aruba. E grupo a wordo parti. Algun alumno a bay parlamento, algun a bay corte y e otronan a bay Bestuurskantor na unda nan a obtene informacionnan pa ora nan bay bek nan scol nan hinca tur informacion den un presentacion.

Prome minister a splica kico ta Trias politica den detaye y a duna ehempelnan den e spliacion cu el a duna. Despues a sigui preguntanan di e alumnonan kendenan a bin prepara cu bastante pregunta pa prome minister. E mandatario a tuma su tempo pa contesta cada pregunta. Preguntanan haci tawata na un nivel hopi halto, mustRANDO asina e interes cu e alumnonan tin pa siña mas di e tema 'Gobierno'. Algun pregunta haci tawata entre otro: Kico kiermen Trias Politica? Ken ta na cabes di gobierno? Ken ta controla gobièrno? Kendenan ta e ministernan? Kico ta e trabou di un minister? Kico ta un coalicion? Con prome minister ta deal cu coleganan minister? Kico ta e conseho cu embaraso hubenil? Kico por haci pa trece mas seguridad? Kico mas por haci pa enseñansa? Y hopi mas pregunta cu tin di haber cu gobernacion.

Tambe prome minister a haya hopi preguntanan personal manera ki ta su edad, ki ta su estudio. Kico su famia y su yiunan ta pensa di dje den politica. Kico e ta haci den su tempo liber.

Na final a bin e pregunta: Kico a motiva minister drenta politica y pa sigui? Aki prome minister a contesta cu su motivacion pa drenta politica ta pa percura pa tur hende tin mesun oportunidad den bida. El a bisa cu su deseo di yuda hende den necesidad ta grandi. Semper




el a yuda hende y politica ta duna mas oportunidad pa yuda. E mandatario a uza e ehempel cu antes e tawata yuda algun famia paga nan awa y coriente. Pero el a encontra cu hopi hende cu mester wordo yuda cu real-

mente ta den necesidad. Y aki el a dicidi di drenta politica. Y awo gabinete Wever-Croes hunto cu Sociale Zaken a bin cu un maneho social pa yuda esunnan cu realmente no por paga nan awa y coriente. Cu esaki hopi mas famianan por

wordo yuda. Prome cu e alumnonan a bay bek nan scol, nan a haya un recorrido na Bestuurskantor pa haya sa mas unda cada minister ta sinta y tambe nan a drenta sala di Ministerraad pa saca un bunita potret di

recuerdo. Juffrouw Hernandez a expresa cu el a keda hopi satisfecho y contento cu e trato y informacion ricibi. Alumnonan tambe a keda masha contento pa e oportunidad cu nan a haya pa realisa e proyecto aki.



Mi Jesus en ti deposito toda mi confiaza. Tu sabes de todo, Padre y Señor del Universo. Eres el Rey de los Reyes. Tu que hiciste al paralitico caminar; al muerto vivir; al leproso sanar. Tu que conoces mis angustias y mis lagrimas, bin sabes Divino Amigo, como necesito alcanzar de ti esta gracia.

SE PIDE LA GRACIA CON FE
Mi conversacion contigo me lleno de animo y alegria de vivir solo de ti.
Espero con Fe, Confianza y Esperanza. Se pidi nuevamente la gracia con Fe.
Haz Divino Amigo que antes de terminar, esta conversacion, que tendre contigo durante nueve dias, alcanzace esta gracia que pido con mucha Fe, Confianza y Esperanza.

Con gratitud mandare a imprimir o publicar mil vecesesta oracion para que otras personas que necesitan tanto de ti como yo en este momento, aprendan a tener confianza en Tu Divina Misericordia; dejare las oraciones en la Iglesia o la publicare para divulgarles, ilumina mis pasos asi como el sol ilumia todos los dias el amanecer y aterstiguan nuestra conversacion.

Jusus-Cristo deposito mi Confianza en Ti y cada vez aumente mi Fe y Esperanza. Amen.

ARUBA



DI NOS E TA!



AD PATRES

funeral home

Ta participa fayecimento

Van Rensselaerstraat 2
Tel. 584-2299 - 7372299
Family owned and operated
Since 1997

Thou hast turned for me my mourning into dancing: thou hast put off my sackcloth, and girded me with gladness; to the end that my glory may sing praise to thee, and not be silent. O Lord my God, I will give thanks unto thee forever. Psalm: 30. 11-12.

With deep sorrow we announce the passing of:



Juliana Aluria Almira Cranston

Better known as: "Mom or Moemi".
Sunrise: 30-04-1920 Sunset: 28-02-2018

Left to mourn are her:

Her Children:

† Clara Cranston, Courtney Cranston, Moveda Cranston, Carlos Bennett(better known as shoes), Wendell and Ianty Bennett, Glenn and Bernadine Bennett, Glenda and Andrea Woodley-Bennett in Statia, Elpedro and Mircla Bennett, Elvis Cranston and Anna Van Heynegen.

Her Siblings:

† Sera Nedd Redan, † William (Bill) Cranston,
† Vanella Courtar, † Beatrix Cranston (Boe)
† Christalia Brown, † Sunny Cranston, Maurris Cranston in Holland

28 Grand children
29 Great grand Children
6 Great, great grand children
Step granddaughter: Alehandra Tromp-Bennett

Nieces and nephews in Aruba, Holland, U.S.A., Statia, St. Maarten, and Bonaire, Too numerous to mention their names.

She was related to the Family: Cranston, Bennett, Courtar, Mc Bene Courtar, Richardson, Van Putten, Boekhoudt, Redan, Holiger, Hilman, Pennyfeather, Hazel, Duinker, Pompier, Spanner, Berkel, Hodge, Piart, Brown, Orman, Thompson, Warren, Leslie, De Graf, Godett, and Scorea.

Like a sister: Rhoda Pretty,
Like a Son: Joseph Heiliger

She considered the boys on the bench and neighborhood as her Children and Family

Close friends: Miss Violet Brooks, Miss Alice Ellis, Mrs Marilda Brown, Panzy and Milly

Care takers: Frenky Boekhoudt, Carlos Bennett, Gloria Van Heynigen, Metelis (JD)Urena, and Suzell Richardson.

The funeral will take place on Wednesday March 7, her body will be laid out at Christ Methodist Church in San Nicolaas from 1 pm service will start at 3 pm, followed by the burial in the cemetery at Sabana Basora (poschiquito)

The opportunity to share condolences will take place on Tuesday, March 6, 2018 at AD PATRES FUNERAL HOME from 7:00pm till 9:00pm
Please accept our apologies if names were not mentioned in these moments of sorrow.

We regret that after the funeral we do not accept condolences at home.

Aurora
Funeral Home

Tel: 593-0857 / 588-6699 / 560-140
Fax: 588-6698

Ki alegria, ora nan a bisa mi:
"Ban cas di Señor!"
I awor, ata mi aki para na bo porta Señor.
Salmo 122

Cu inmenso tristesa den nos curason, nos ta participa fayecimento di:



Greta Evelina Wernet-Tromp

*18-10-1938 - †26-02-2018

Acto di entiero lo wordo anuncia despues

Aurora
Funeral Home

Tel: 593-0857 / 588-6699 / 560-140
Fax: 588-6698

Mi no a muri
Ta pesy mi no a bisa ayo
Mi a djies habri mi halanan y bula bai keiro.
Boso a keda atras No laga tristesa domina boso.
Keda uni un cu otro pa mi alma Esey lo ta un alegria.
Recorda mi cu hopi amor.



Cu inmenso dolor na nos curason nos ta anuncia fayecimento inespera di nos yiu, tata y ruman :

Edward Rafael Thiel

Mihor conoci como "Ponsy"
*20-11-1986 - †24-02-2018

Acto di entiero lo wordo anuncia despues

BONDIA
ARUBA



Bo ta stima bo yiu

BISA NO Na abuso di Mucha...

HASI USO DI CARSEAT

Aurora Funeral Home

Tel: 593-0857 / 588-6699 / 560-140
Fax: 588-6698

Laga tur loke ta spera
mi ta bunita
Laga tur locual cu mi
encontra na caminda
ta bunita
Laga tur locual cu mi
laga atras keda bunita y
Laga esakinan termina
den tur buniteza.
Cado Wever.



Conforme cu
boluntad di Dios, nos ta anuncia fayecimento
inesperadamente di :

Ilario Krosendijk

Mihor conoci como "Ali"
*21-10-1942 - †02-03-2018

Acto di entierro lo wordo anuncia despues

Aurora Funeral Home

Tel: 593-0857 / 588-6699 / 560-140
Fax: 588-6698

"Dios ta amor... y
amor ta Dios,
maske mi no ta na e
mundo aki, tur dia lo
mi ta banda
di boso Curazon, mi
por steuns di loke
Señor ta hasi"



Conforme cu boluntad
di Dios, nos ta anuncia
fayecimento di :

Leonardo Tromp

Mihor conoci como "Nadi"
*18-01-1940 - †02-03-2018

Acto di entierro lo wordo anuncia despues

Like us on
Facebook



facebook.com/bondianoticia



9 Y 10 DI MAART 2018
Inscribi AWOR como boluntario!

arubadoet.com

BONDIA
ARUBA

Si bo ta bebe
NO STUUR



Aurora Funeral Home

Tel: 593-0857 / 588-6699 / 560-140
Fax: 588-6698

Señor ta duna, Señor
ta tuma
Bendishona sea
number di Señor

Cu inmenso tristeza
na nos Curazon
nos kier a anuncia
fayecimento inespera
di:



Efraim Geerman

Mihor conoci como: "Frem", "Mau", "Pipiti Toro"
*26-03-1953 - †01-03-2018

Na number di su:

Casa: Alexandrina Crusita
Geerman-Ridderstaat
Yiu: Jeanisse Zievinger y
Edward Semeleer
Nietonan: Edean y Jeward
Semeleer
Rumannan: Teresita (Sita) y Ricardo
(Cado) Kock-Geerman
Rubia y Ignacio (Theo) van der Linden-Geerman
Cecilia (Shila) Geerman
Johannes (Johnny) y Mariëla Geerman-Kransen
Rebecca (Rika) Geerman y Erik Schwengle
Sobrin(a)nan: Magally Sanchez y famia
Giovanni Kock y famia
Carol van der Linden y yiu
Mirlanda van der Linden y famia
Sharléne Schwengle y yiu
Sherine Schwengle y y Mario Faro y famia
Sue-ann Schwengle y Nella Erasmus y famia
Jomaira van Nassau y famia
Jilienny Geerman y yiu
Rosellen Angela y yiu
Roxanne Angela y famia
Stephany Falconi y Hil Bruinsma y yiu
Swa y cuñanan: Bruno Ridderstaat
Ramiro Ridderstaat y famia
Janchi Ridderstaat y famia
Nicolaas Ridderstaat y famia
Winifrida Zievinger y famia
Ludwina Tromp y famia
Maria Tromp y famia
Lucia Ridderstaat y famia
Grace Krozendijk y famia
Dorothy Holsman y famia
Jacinta Ridderstaat y famia

Tanta y omonan: Vda. Sebastiana Croes-
Kock y famia
Vdo. Venancio Kock y famia
Vda. Margo Todman-Kock y famia
Vda. Margaritha Webb-Geerman y famia
Vda. Bertha Paesch-Geerman y famia
Claudio y Maria Geerman-Webb y famia

Consuegroman: Eddy y Editha Semeleer y famia

Primo y primanan, demás famia, tur su amigonan,
amistadnan na Aruba y Hulanda

Demas famia: Geerman, Kock, Ridderstaat,
Zievinger, van der Linden, Semeleer, Schwengle,
Kransen, Sanchez, van Nassau, Tromp, Angela,
Falconi, Bruinsma, Paesch, Webb, Croes


Oportunidad pa condolencia: diasabra 3 di maart
2018 di 7 pa 9pm na Aurora Funeral Home.

Entierro lo tuma lugar na Hulanda

Aurora Funeral Home

Tel: 593-0857 / 588-6699 / 560-140
Fax: 588-6698

"Señor ta mi
wardador, mi'n tin
falta di nada
Den cunucu di yerba
berde e ta ponemi
sosega.
E ta hibami na awa
trankil,
Pa mi bolbe haña
forsa".
Salmo: 23



Nos ta anuncia
fayecimento di :

Benjamin Franklin van Trikt

*18-08-1949 - †28-02-2018

Na number di su:

Casa: Wanda van Trikt-Patton

Ruman muher:

Eleanor (Elly) Varona-Rustveld

Yiu:

Michael-Angelo van Trikt

Nietanan;

Jennelee, Marley y Nina

Sobrinanan:

Nathalie Lourens-Lane y famia

Giovanni Lane

Gianaica Vilt y famia

Bon amigonan:

Bettois Lacle, Chico de Kort, Henry
Valdez, Buchi

Bon amiga:

Nathaly Baptiste y yiu

Ciudadador:

Isabel

Primo y primanan

Tur su ex coleganan di casino Holiday Inn,
Aruba Palm Beach Casino y Glitz Casino

Demas famia: van Trikt, Rustveld, Varona,
Lourens, Lane, Vilt, Van Niel, Van Mierlo,
Briesen, Hodgson, Rooijer

Acto di condolencia y despedida lo tuma lugar
dialuna 5 di maart di 7or pa 9or di anochi na
Aurora Funeral Home, cremación lo tuma
lugar den seno familiar.

Enbes di flor of krans un donación pa
Koningin Wilhelmina Kankerfonds lo ta
altamente aprecia.

Aurora Funeral Home

Tel: 593-0857 / 588-6699 / 560-140
Fax: 588-6698

“Bou di alanan di Dios
mi ta sigur”
Abo ku ta biba bou di
amparo di Altisimo, ta
hospeda den sombra
di Dios Omnipotente,
bisa Señor:
“Mi refugio, mi forti,
mi Dios, den kende
mi ta
pone mi konfiansa”
Salmo 91:1-2



Cu inmenso tristesa den nos curason,
nos ta participa fayecimento di:

Petra D. Larrache-Tromp

Mihor conoci como “Petrica”
*12-05-1935 - †28-02-2018

Na number di su:

Tata: †Juan Tromp

Mama: †Agnes Tromp

Esposo: Miguel Larrache

Yiu: Magali y Gino Tromp Larrache

Yiu: Richard “Midi” y Judella Raaz Franken

Nietonan:

Jordanny, †Giovanni, Ginali, Joëll y Jo-anne
Bisanietonan: Jordaiska, Jorvannia, Jaydion,
Hildeney, Rocco y Kynally

Rumannan: †Ladislao Hayer y famia
†Margarita Carillo y famia
†Agustin y Alejandra Tromp Santiago y famia
†Albertina y †Laureano Tromp Donata y
famia

Segundo y †Ramona Tromp Willems y famia
Alicia Tromp y famia
†Juan Pablo y †Diana Gomez Tromp y famia
Alex y Olivia Tromp Marval y famia
Albertico y †Maria Tromp Coëlle y famia
Victor Tromp
Miguel y Mariska Tromp de Cuba y famia

Iha: Orlando Tromp y yiuinan

Primo- y Primanan, Sobrino- y Sobrinanan,
Bisiña y conocirnan

Un danki na su sobrina “ayudante” : Altagracia
Hooi

Demas famia: Larrache, Tromp, Raaz, Thiel,
Hooi, Cornelio, Zievinger, Marval, Carillo,
de Cuba, Hoek, Mc. Jannet, Willems, Webb,
Coëlle, Roos, Donata, Santiago, Franken,
Gomez, Eckmeyer, Vrieswijk, Inocencia,
Bergen, Hayer

Ta invita pa acto di entierro y despedida cual
lo tuma lugar na Misa Pro Cathedral san
Francisco na playa diasabra 3 di maart 2018 di
2or pa 4or di atardi. Despues lo sali pa Santana
Catolico na playa.

Disculpa nos si den nos momento di tristesa
nos por a lubida algun famia

Aurora Funeral Home

Tel: 593-0857 / 588-6699 / 560-140
Fax: 588-6698

Señor ta mi wardador,
mi’n tin falta di nada
Den cunucu di yerba
berde e ta ponemi
sosega.
E ta hibami na awa
trankil,
Pa mi bolbe haña
forsa”.
Salmo: 23



Cu inmenso dolor y
tristesa na nos curason
pero conforme boluntad di Dios, nos ta
anuncia fayecimento di:

Dominico Tromp

Mihor conoci como “Domi”
*14-11-1945 - †28-02-2018

Na number di su

Mayornan: †Wenseslaus Tromp
†Catharina Tromp-Giel

Compañera: Carmen Flanegien

Ruman: Anna Geerman-Tromp

Yuinan: Elvira Tromp y famia
Mildred Tromp y famia
Claverina Tromp y famia
Charles Tromp y Roosje y famia
Giovani Tromp y Ana y famia

Sobrina y Sobrinonan:

Edwina y Eric Lake y famia
Leonides y Gino Paesch y famia
Justiniano Geerman y famia
Evelyn Geerman y famia
Anthony Geerman y famia
Lourdes Geerman y famia

Prima y Primonan, amigo y amiganan,
excoleganan di Alegro Hotel

Demas famia : Flanegien, Tromp, Giel,
Farro, Diaz, Croes, Amidjodjo, Orman,
Ramirez

Ta invita pa asisti na acto condolencia y
entierro diasabra 3 maart 2018 for di 9or pa
11or di mainta na Aurora Funeral Home
después lo Sali pa santana Central di Sabana
Basora.

Nos disculpa si pa un of otro motibo nos por
a lubida un of otro persona, despensa nos cu
después di entierro nos no por ricibi bisita di
condolencia na cas.

Aurora Funeral Home

Tel: 593-0857 / 588-6699 / 560-140
Fax: 588-6698

“Senjor ta mi
Wardador, mi’n tin
falta di nada; den
kunucu di yerba berde
E ta pone mi sosega.
E ta hiba mi na awa
trankil, pa mi boble
hanja forza”
Salmo 23: 1-3



Cu inmenso dolor na
nos curason, nos ta
anuncia fayecimento
di:

Michelin Fileus

Naci na Haiti 03 di november 1967
Fayece na Aruba 23 februari 2018

Na number di:

Su Esposa: Isnarie Fileus

Su yuinan: Roselandie y Pierre

Mayornan: Silienne, Rosilla, Polette,
Gracide, Fanelie, Laurette

Rumannan: Viola, Maselle, Juslaine,
Brevemarie, Dieudonne, Milienne su casa,
Miltride, Mildet, Milera, Emio, Enide,
Philemont

Famianan: Cela, Luckmic, Kafette, Kano,
Ilex, Rosena, Nosena, Zuraima, Loukens,
Jamideson, Jonas y su esposa, Fayo y su
esposa, St.Mira.

Hefe di su trabou: John

Madrina: Rose Marie y su esposo

Pastornan:

P. Dieufort, P Louissant, P Nicolas, P. Jeff y
tur e rumanan di misa

Amigo(a)nan: Tipiti, Pamele, David,
Alouine, Altor, Cherline, Maxi y su casa,
Jacob, Mertho, Ludie y su esposo

Bisiña: Adeline, Pabl, Laura, Serette,
St.Mira

Ta invita pa asisti na e cto di entierro lo tuma
lugar diasabra 3 di maart 2018 di 2or pa 4or di
atardi na Assamblea de la Gracia na Patiastraat
den Dakota, despues saliendo pa Santana
catolico na Sabana Basora.

Oportunidad pa condolencia lo ta diabierna
2 di maart 2018 for di 7or pa 9or di anochi na
Aurora Funeral Home

Nos ta pidi nos disculpa si den nos tristesa nos
por a lubida algun persona of famia.



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 02 Mrt 2018 Anochi

CATACHI
Sorteo # 6419
9843
9834
4590
BIG 4
Sorteo # 5463
2274
DIFF
Sorteo # 168
9445
ZODIAC
Sorteo # 4222
0071
Aquario
KORSOU
Sorteo # 1990
8995
4626
1925

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	190.000,-

LOTTO DI DIA	04-06-07-28-30
Sorteo # 4340	Proximo Jackpot
0 x Jackpot	
9 x Match 4	
208 x Afl. 8,00	72.000,-

MINI MEGA	07-08-18-25
Sorteo # 1039	Mega Ball 12
0 x Jackpot	
0 x match 4	
4 x Afl. 500,00	
64 x Afl. 50,00	
98 x Afl. 15,00	330.000,-

MINI MEGA PLUS	Afl. 430.000,-
-----------------------	-----------------------

Bo cadena di number di suerte
ta presenta resultado di awe

DIARIO 8295-9308-7889

SUPER 4 9941

FLAMINGO 0021-3917-9249

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 02 Mrt 2018 Merdia

CATACHI
Sorteo # 2140
7151
2891
2688
BIG 4
Sorteo # 2140
1319
DIFF
Sorteo # 196
3373
ZODIAC
Sorteo # 2140
1255
Cancer

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	190.000,-

LOTTO DI DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	68.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	320.000,-

MINI MEGA PLUS	Afl. 420.000,-
-----------------------	-----------------------



Aries

Bo ta kibra e rutina. Lo bo bay pa aventura un biaha mas tripi. Lo bo bay sali for di bo rutina. Esaki lo bay yuda bo haya solucionnan ingenioso na bo problemanan. Numbernan pa awe: 24, 27, 31 y 36.



Tauro

Bo carisma ta accentua. E forza di bo personalidad ta atrae amor. Bo carisma personal, asina dushi cu tin impacto riba hende, ta envolve tur hende cu un aura di poder. Numbernan pa awe: 7, 10, 29 y 41.



Geminis

Bo ta sinti bo mes motiva pa haci algo diferente y innova. Lo bay mira bida cu mas optimismo, den bo propio estilo y lo bo por resolve rapidamente cierto dificultadnan. Numbernan pa awe: 6, 13, 25 y 38.



Cancer

Lo bo bay ricibi un noticia bon. Lo bo bay tin e optimismo necesario pa exito. Riba cuestion di amor, e dia lo bay presenta su mes cu un bon vibracion di energia. Numbernan pa awe: 4, 16, 21 y 44.



Leo

Lo bo adapta bon na cambianan cu ta surgi proximamente. Lo bo bay compronde miho e cambianan cu ta sosode rond di bo y adapta na nan cu mas facilidad. Numbernan pa awe: 2, 13, 29 y 47.



Virgo

Paz lo wordo haci cu un bon amigo of cu un hende stima. E perspectivanan di solucionnan den amor y bo cuestionnan laboral ta hopi halto. Probecha di esey pa ahusta. Numbernan pa awe: 2, 18, 24 y 35.



Libra

Lo bay tin posibilidad di biahe. Asuntonan tranca lo cuminsa move. Den e momentonan aki lo bo nota un aura di entusiasmo rond di bo. Numbernan pa awe: 8, 14, 26 y 35.



Scorpio

Elimina e acto di no tuma decisionnan. Tur cos lo cristalisa bon, solamente si bo propone esey. Laga cierto ideanan di ta derota atras. Hala un rosea hundo y aplica bo intuicion. Numbernan pa awe: 10, 23, 33 y 41.



Sagitario

Esaki ta comienso di un siman complica. Organisa bo mes. Hopi actividad ta spera bo. Bo tin luz berde pa procede y haci loke bo tin pensa di haci. Numbernan pa awe: 8, 11, 28 y 44.



Capricornio

Lo bay tin sorpresanan sentimental. Lo bo rebiba un aventura cu bo a pensa cu bo a lubida. Lo bo mester ta hopi realista pa mira e posibilidad cu tin rond di bo. Numbernan pa awe: 8, 15, 25 y 38.



Aquario

Procede sin mucho pura y lo bo evita problemanan di indole sentimental. Lo bo sinti bo mes cu e forza pa contesta di forma directo na esun cu tabata probecha di bo. Numbernan pa awe: 7, 11, 29 y 41.



Pisces

Esaki lo ta un dia hopi excitante. Lo bo bay sinti loke hopi tempo bo no a experimenta. Luna ta continua den bo signo y bo mester mantene un actitud mas discreto. Numbernan pa awe: 7, 18, 27 y 38.



Cas Di Cultura
Vondellaan 2 Aruba
297-582-1010

F A D A
Campanastraat 5 Aruba
297-583-2999
297-583-9610

F A V I
Primavera 233 Aruba
297-582-5051
297-582-5222

F E P O
Engelandstraat 15 Aruba
297-583-1016
297-583-6607

Fundacion Hende Muhe den dificultad
Tel: 583-5400

Fundacion Autismo Aruba
Irenestraat 21 Aruba
297-588-1179

Fundacion Pa Nos Muchanan
Cumana 2 Aruba
297-583-4247

Fundacion Tel Pa Hubentud
Wilhelminastraat 19 Aruba
297-588-6138

Koningin Wilhelmina Fonds
Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Ned Rode Kruis
Perdo Gallegostraat 14 Aruba
297-588-3376

Famia Planea (SBVO)
Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi
George Madurostraat 34
297-582-0088

Y M C A
Calbasstraat 1 Aruba
297-582-3072

AL-ANON group
Sabana Liber #8, Noord (close to the hotels)
Tel: 736-2952 or 593-7081

A1 Taxi Services Aruba
Italietraat 50 lokaal 7
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Mobility Equipment Hire
Tel: 568 5165

Dokter na warda

Oranjestad
Dr. Pieterse
Tel. 583 3330

San Nicolas
Dr. Britt-Croes
Tel. 584 1984

Botica na warda

Oranjestad:
Central Tel. 585 8077

San Nicolas
Aloe Tel. 584 4606

SERVICIO DI TAXI

Aruba Transfer Tour & Taxi C.A.
Pos Abao #41
P.O.Box 723 Aruba
Tel: 582-2116 / 582-2010
Fax: 583-6988
Taxi Adres Service (24h)
L.G. Smith Blvd. #234
Oranjestad Aruba
Tel: 587-5900
Fax: 587-1928
E-Mail: tas@setarnet.aw

<i>Schedule maart 2018</i>					
THU	01	CELEBRITY ECLIPSE	ARR 08.00	DEPT 17.00	BERTH C
FRI	02				
SAT	03	ZUIDERDAM	13.00	23.00	C
SUN	04	KONINGS DAM	07.00	17.00	C
MON	05	BRITANNIA	06.30	18.00	B
		AIDADIVA	07.00	18.00	C
TUE	06	SERENADE OF THE SEAS	07.00	17.00	B
		MEIN SCHIFF 3	07:30	19:00	C
WED	07	ADVENTURE OF THE SEAS	07.00	23.00	C
THU	08	NAVIGATOR OF THE SEAS	07.00	18.00	C
		CARNIVAL CONQUEST	08.00	16.00	B

EMERGENCIA
911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA




Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Centrale Bank van Aruba
Daily Exchange Rates - 03/02/2018



Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.36	1.38	1.40
CHF	190.32	191.04	191.84
GBP	2.39	2.44	2.50
JPY	167.45	168.98	170.68
EUR	217.30	219.28	221.49
DKK	28.47	29.19	29.99
NOK	21.79	22.51	23.31
SEK	20.56	21.28	22.08
For amounts up to Afl. 100,000			

5de trekking **1 maart 2018**

5de trekking op 1 maart 2018		1ste Prijs		2de Prijs		3de Prijs		UREN VAN UITBETALING:	
Waarvan proces-verbaal was opgemaakt		6655	2,000	12988	1,500	12106	1,250	CURAÇAO :	8.00 - 15.00 (maandag t/m vrijdag)
en ondertekend door C.Antonia namens de		6656	200,000	12989	40,000	12107	20,000	Tel: 462-4088	
Procureur-Generaal, de getuigen en de		6657	2,000	12990	1,500	12108	1,250	ARUBA	
directeur a.i. van de Landsloterij.								Oranjestad	8.00 - 12.00 en 13.30 - 16.30
								Tel: (002975) 824784	
								San Nicolas	8.30 - 16.00 (maandag t/m vrijdag)
J.J. Drenthe-Marten								Tel: (002975) 845200	
Getuigen:								BONAIRE :	Maandag tot en met vrijdag
S.Puriel								8 tot 11 uur voormiddag	
O.Nahr								1 tot 3 uur namiddag	
								Tel: (0717) 7047	
www.landsloterij.org								ST. MAARTEN:	7.15 - 12.30
								Tel: 0017215424536	
								SABA:	s.v.p. bellen
								Tel. 0017215228528	
								ST. EUSTATIUS :	0318-2236, 0318-2640

ATIA preocupa: Inconsistencia suministracion di barco di container



ORANJESTAD - ATIA ta tumando nota cu tin inconsistencia den suministracion di barco di carga pa Aruba, asina nan ta bisa den un relato.

Bon Dia a yega di trece esaki dilanti den nos edicionnan anterior unda cu ATIA a vocifera su preocupacion, ya cu e proceso aki di transporte y bahamento di carga ta uno di suma importancia pa economia di Aruba. Sr. van Trigt a bisa cu ta importante pa bin

cu un metodo pa nos tin un sistema productivo y eficiente pa drenta carga. "Carga ta un di e proceso mas importante pa comercio di Aruba."

Den un combersacion cu gerencia di Astec, por a conclui cu un parti importante di esaki tin su causa desde aña pasa unda barconan di container ta yegando laat frecuentemente pa nan 'berthing reservacion' den e schedule na waf. Cu consecuencia e barco di containernan aki mes ta dicidi di

bay otro destinacion prome cu e bolbe bek Aruba. ATIA hunto cu Astec y otro participantenan den e proceso lo trata na sinta na mesa pa mira con e proceso esencial pa comercio y nos economia lo por ser mitiga.

E asociacion pa dunadonan di trabou ta haya informacion tambe cu e huma di dump ta causa molester pa e trahadonan riba waf, cual ta causa cu frecuentemente ta tarda e proceso na barco mas

ainda. Nan ta bisa cu nan ta comprende cu e huma ta un molester serio pero na final di dia esaki ta afecta servicio den un proceso esencial pa tanto comercio como Aruba.

E organizacion ta keda trece e preocupacionnan dilanti, nan ta bisa, pasobra Aruba su economia ta 'casi totalmente dependiente di un suministro di producto na un manera continuo y confiabel, mirando cu casi tur producto cu ta wordo consumi na Aruba ta wordo

importa'. "Si e proceso aki wordo interumpi of tin tardanza pa cualquier motibo e ta causa un peliger pa nos economia, particularmente considerando e importancia di nos sector turistico."

Nan ta bisa finalmente cu ta keda sigui den contacto cu tur partido envolvi den e 'proceso crucial aki y ta spera di por contribui y conscientisa tur esunnan envolvi con crucial e proceso aki ta pa Aruba'.



Advertorial

Olay ta presenta e prome women's day skin care seminar

ORANJESTAD, - Pa generacionnan, Olay a yuda hende muhe mostra y sinti mas bunita. Pa celebra e relacion aki y Dia Internacional di Hende Muher

Olay ta presenta e prome Olay Women's Day Skin Care Seminar, diahuebs 8 di maart di 5:30pm pa 7:30pm na di dos piso di Super Food Plaza.

Olay ta sigui posiciona su mes como e marca number un na mundo pa cuida di cara, modernizando y reestableciendo su reputacion den e mundo di beyesa como e autoridad number un mundialmente pa loke ta salud di cutis facial y e ciencia tras di su productonan.

Pa e seminario aki Olay

a invita Annaica Flores, schooheisspecialiste cu mas di 15 aña di experiencia den tereno di cuida facial pa educa y pamper tur damanan riba nan dia cu un seminario hopi interesante unda nan lo siña con pa crea un regimen di cuida di cutis practico y efectivo. Bo lo bo haya tipnan pa trata e problemanan di cutis mas comun, cuida y mantene e salud di bo cuero y conoce e secreto pa crea un glow inigualabel.

Participacion ta costa Afl. 75.00, cual ta inclui un welcome drink, pastries y cada

participante lo ricibi mas di Afl. 100.00 na produccionan di Olay pa bo por test on hands on con pa uza esaki di e manera mas efectivo. Adicionalmente lo tin door prices y oportunidad pa gana mas premio di otro linea di P&G manera Gillette & Pantene.

Cupo ta limita, registra awe mes na Bliss Store situa na Super Food Plaza pa sigura bo luga. Pa mas informacion por yama 5941933 of bishita e pagina di Facebook of Instagram di Compra Ltd.

Caribbean Cinemas MEGAPLEX 8
caribbeancinemas.com | Caribbean Cinemas Aruba

MARCH 2 - 7
JENNIFER LAWRENCE | JOEL EDGERTON
RED SPARROW
WITH SPANISH SUBTITLES
MON-THURS 3:40 | 4:55 | 6:05 | 7:50 | 9:05
FRI 3:40 | 4:55 | 6:05 | 7:50 | 9:05 | 10:45
SAT 2:00 | 3:10 | 4:55 | 6:05 | 7:50 | 9:05 | 10:45
SUN & HOL 2:00 | 3:10 | 4:55 | 6:05 | 7:50 | 9:05

NEW THIS WEEK!
BRUCE WILLIS | VINCENT D'ONOFRIO
DEATH WISH
WITH SPANISH SUBTITLES
MON-THURS 4:35 | 7:00 | 9:25
FRI 4:35 | 7:00 | 9:25 | 11:50
SAT 2:10 | 4:35 | 7:00 | 9:25 | 11:50
SUN & HOL 2:10 | 4:35 | 7:00 | 9:25

JASON BATEMAN | RACHEL MCADAMS
GAME NIGHT
WITH SPANISH SUBTITLES
MON-THURS 5:05 | 7:20 | 9:35
FRI 5:05 | 7:20 | 9:35 | 11:50
SAT 2:50 | 5:05 | 7:20 | 9:35 | 11:50
SUN & HOL 2:50 | 5:05 | 7:20 | 9:35

CHADWICK BOSEMAN | MICHAEL B. JORDAN
BLACK PANTHER
WITH SPANISH SUBTITLES
CXC PREMIUM LARGE FORMAT AUDITORIUM
MON-SUN & HOL 3:45 | 6:25 | 9:10
MON-THURS 4:50 | 7:35
FRI 4:50 | 7:35 | 10:20
SAT 2:05 | 4:50 | 7:35 | 10:20
SUN & HOL 2:05 | 4:50 | 7:35

BRUCE WILLIS | COLE HAUSER
ACTS OF VIOLENCE
MON-SUN & HOL 8:40

JAMES CORDEN | DOMHALL GLEESON
PETER RABBIT
MON-FRI 5:05 | 7:15
SAT-SUN & HOL 2:55 | 5:05 | 7:15

DWAYNE JOHNSON | KAREN GILLAN
JUMANJI
WITH SPANISH SUBTITLES
MON-FRI 3:50 | 6:05
SAT-SUN & HOL 3:30 | 6:05

ALEX SKARLATOS | ANTHONY SADLER
-15:17 TO PARIS
WITH SPANISH SUBTITLES
MON-THURS • SUN & HOL 9:25
FRI-SAT 9:25 | 11:35

STARTING MARCH 8 | EVERY DAY • THE WRINKLE IN TIME • THE HURRICANE HEIST • THE STRANGER: PREY AT THE NIGHT

Palm Beach Plaza Aruba | 586.0074 | THE MAGIC OF THE MOVIES ON YOUR MOBILE DEVICE | Download on the App Store | GET IT ON Google Play



Plan di rescate ta basta avansa pero mester delibera cu Caft

ORANJESTAD - E plan di rescate financiero te ainda no ta conoci publicamente, pero gobierno ta basta adelanta cu esaki.

Prome minister, Evelyn Wever-Croes a yega di expresa durante un conferencia di prensa (15 februari ultimo), cu nan ta kedando cla cu e draft, pero nan tin cu delibera cu Caft pa mira si e instancia di supervision financiero aki, ta di acuerdo cu e skema economico-financiero cu nan a pone den dje. Nan ta spera cu Caft por acepta e plan aki y tambe cuanto tempo e instancia aki por duna gobierno pa bin cu un presupuesto balansado.

Nan a scoge pa un cuadro hopi conservativo pa e ehempel un crecimiento economico modera di 1% so. Aunke nan ta bay traha pa e ta mas halto, ya cu ora tin desaroyo economico halto e deficit ta bira mas chikito. E cifra di 1% ta basa ariba proyectonan cu ta andando aworaki pero excluyendo refinancia.



Esaki ta pone cu nan no por hisa entrada hopi pa e aña aki, pasobra nan no por tene cuenta cu un desaroyo eco-

nomico grandi. Consecuentemente nan mester baha nan gastonan mas. Un punto cu Bon Dia Aruba a trece cerca



e mandatario, tin di haber cu e bahamento di gasto den personal di aparato gubernamental. El a bisa cu esaki ta un tema cu nan a yega di trata cu Caft tambe, y te hasta IMF a yega di haci gobierno e mesun pregunta durante nan bishita ultimo na Aruba. Segun e mandatario Wever-Croes, nan por a bin cu historia bunita manera e gobierno anterior y keda sin cumpli cu nan. Pero nan a prefera di muestra e realidad manera cu

e ta. E realidad -segun prome minister- ta cu 'den gasto di personal no tin demasiado espacio pa bo baha'. E ta haya cu e kitamento di cantidad di ambtenaar no ta un decision cu ta responsabel ni apropiada den e momento aki tampoco. Pero si nan tin cu percura pa hisa eficiencia. Ya cu e critica den aparato gubernamental ta no tanto e gastonan so, sino cu e percepcion cu e ta un gasto halto y e no ta productivo.

Turismo di time share tambe tin un balor social pa Aruba

Continuacion di Pagina 17

Ken ta e turistanan?

E turistanan di time share no tur ta di edad halto, segun e oradonan riba e conferencia. Por haya doñonan di time share hasta di 19 aña. Pero mayoria por mira famia y hende riba 55 plus. E pensamiento cu e turistanan di time share ta 'pober' of educacion abou no ta klop, asina nan tambe ta menciona. Hopi tin un educacion halto y un cartera grandi. Nan ta gana un averahe di 93.000 dollar pa aña, asina ta cay den e categoria 'affluent traveller'. Esta e turistanan cu un cartera bon yena, cual manera conoci ta algo cu nos oficina di turismo kier atrae mas tanto.

Den e desaroyonan por mira cu e region mas grandi cu time share, ta esun Caribense. Pa decadanan e region aki ta e destinacion pa time share, sigur pa e Mericanonan (esunnan di Europa ta bay na paisnan di zuid Francia y España). Durante e conferencia diferente oradonan ta enfatisa cu e regio Caribense ta keda un di mas atractivo. "Hasta tin Mericano ta prefera di bay pa Caribe en bes di Miami unda tambe tin hopi time

share. Esaki pa motibo cu nan ta bisa cu e seguridad na e region aki ta mas halto compara cu nan mesun pais. Y nan ta considera Caribe mas safe tambe compara cu Europa pa motibo di e terrorismo", asina un di e oradonan a expresa.

Competencia di Airbnb

Manera conoci e competencia di Airbnb y otro competido similar ta grandi e ultimo añanan pa e sector hotelero. Time share tambe ta sinti e competencia aki, asina a bisa durante e 19th International Shared Ownership Investment Conference. Riba preguntanan for di sala con nan mester convence e ora clientenan pa keda cumpra time share etc. teniendo cuenta cu e competencia di Airbnb, nan no a ricibi contestanan mucho cla di e oradonan experto.

E contestanan tabata mas tanto pa convence cumpradonan potencial di time share cu nan producto tin un balor mas grandi y tambe cu hopi time share manera esun di Marriott tin programanan di miembresia unda por spaar punto. Y cu e puntonan por gana estadia na otro lugarnan tur rond mundo pa pasa vakantie. Pues asina no keda



'pega' cu e mesun time share pa decadanan.

Aunke pa Aruba esaki si ta e caso pero e motibo ta cu e doñonan di time share, mayoria ta di Merca. Y nan ta gusta bin Aruba tur aña hasta mas biaha pa aña, cu nan yunan. Y despues e yunan tambe ta bin pa motibo cu nan tin bunita recuerdonan di e vakantie nan pasa na Aruba. Hasta e yunan ta herida e time share.

Sostenibilidad

Bon Dia tambe a papia cu Neil Kolton, director di resort sales y marketing y tambe cu colega Samy Gonzalez, region manager resort sales y service di Interval. Nos a pa-

pia entre otro riba e desaroyonan den e region Caribense y específicamente time share riba islanan chikito manera Aruba. Nos a puntra con nan ta mira e crecimiento di e sector den luz cu Aruba ta limita den espacio. Ya caba nos ta sinti e efectonan di turismo en general: mas construcion di resort di time share mientras, mas trafico, mas presion riba nos beachnan y naturalesa, salud publico y tambe e importacion enorme di trahadonan di afo pa asina por keda duna e servicio na e turistanan.

Ambos ta reconoce cu tin limitacion pa crecimiento di time share riba islanan chiki-

to. Pero cu e rol di e turismo di time share por cambia cual nan tambe ta muestra dunando e ehempel di St. Maarten despues di e horcan. "E turistanan di time share bo por considera como habitantenan temporal cu tin un relacion mas estrecho cu e islanan." Y nan ta indica cu e resort nan ta mas y mas consciente di esaki y asina purba tambe di haci nan best pa mitiga e efectonan negativo pa e islanan. Entre por medio di un maneho di sostenibilidad (construccion menos danoso pa e medio ambiente; infraestructura pa baha uzo di awa y coriente; uzo di energia sostenibel etc.) structural hinca den nan operacion di nan time share resort.

Huramento 13 militar Arubano na marinierskazerne



SAVANETA – Na Marinierskazerne a tuma luga un ceremonia di huramento di 13 militar Arubano (Arumil).

Timon van Dishoeck, comandante y luitenant-kolonel der mariniers tabata tin e honor di e huramento aki, segun e comunicacion ricibi di Marinierskazerne.

Despues cu militarnan caba nan educacion y cumpli cu e rekisitonan, nan tin cu hura y duna na promesa. Na e ceremonia tambe tabata presente gobernador di Aruba, Alfonso Boekhout, prome minister

Evelyn Wever-Croes y Comandant der Zeemacht Caribisch gebied, brigadegeneraal der mariniers, Peter Jan de Vin. Den nan presencia y di famia-, colega y amigonan, e militarnan a huramenta.

E siguiente militarnan a huramenta: smjrmarrar Dijkhof, sgtmarnar Werleman, sgtmarnar Kelly, kplmarnar Buera, kplmarnar Corvacho Benavides, kplmarnar Flanegin, kplmarnar Hodge, kplmarnar Isei, kplmarnar Maduro, kplmarnar Rudel, kplmarnar Teixeira, kplmarnar Thiel y kplmarnar Trimon.

“Un solda ta representa leal-



tad, unidad, honor y e laso cu Defensa tin cu nos Cas Real. E huramento y promesa tradicional ta conta di tres elemento: leal na Rey, obe-

diencia na ley y sumision na disciplina militar. Cu huramento y promesa, e solda ta indica cu e ta dispuesto pa pone e interes di su grupo na

promer luga y no di su mes persona, y unda integridad y dedicacion ta uni inseparable”, asina Marinierskazerne ta splica.